

CRACO,
VIAE IOAN.
SANDECIVS
EXCVDEBAT.
MENSE AVGVSTO AN.
M.D.XXX.

IVNII IVVE

NALIS AQVINATIS
SATYRAE DECEM ET SEX,
AD IMITATIONEM ALDIS
NI EXEMPLARIS
EMENDATAE.



PRAETEREA NON MVLTQ PRIDEM CVR
rionis scholijs margini appositis, nunc vero
satyrae cuilibet subnexis, illustratae. Quae
uice brevis commētarij esse possunt.

HEXASTICHON AD STUDIO SV M
LECTOREM.

Vt confert, uicij purgatum carmen habere,
Cum doctis scholijs sic iuuat usq; legi.
Quo magis hunc moneo librū nunc esse legendū
Quod careat mendis, & niteat scholijs
Est tibi praeterea tanto hic magis autor amandus,
Quanto plus alijs antefendus erit.

M. Benedictus faciebat.



25. 2. 1920



patet magis

trun

quali

Sosber


dupl

duplex est qualitas et comon
quia semper scilicet



nr. 694

B 697 - B 701



B. 698

SPONGIA ERASMI AD,
uersus aspergines Hutteni.





2525.1920.

ERASMVVS ROT. ERVDITISSI
MO VLRICHO ZVINGLIO
apud inclytam Heluetiorum ciuitatem
Thurregium concionatori S. D.



Quoniam isthuc primum hinc allatū est
uenenum, Zuuingli doctissime, uisum est
conuenire, ut eodem primum irret antido-
tus, non quod metuam ne apud te aut ul-
los cordatos uiros læderet existimationem meam Hut-
tenica criminatio, sed ut his quoq; mederer, qui uel mi-
hi parum sunt æqui: uel naturæ uitio, libentius ea cre-
dunt quæ lædunt famam hominis, quàm quæ cōmen-
dant. Quis enim uir bonus aut cordatus, non detestetur
hoc exemplū, quod Huttenus, nec uerbo, nec facto unq̄
læsus à me, sed sic toties etiam æditis uoluminibus à me
predicatus, ut nemo neq; benignius aut cādidius, neq;
crebrius, toties meis literis apud Primates uiros com-
mendatus, subito uelut ex insidijs talem libellum emi-
sit in amicum, etiam tum candidissime atq; amantissi-
me de ipso predicantem, quum ista scriberet, nihil om-
nium minus suspicantē, quàm ut ab Hutteno nascere-
tur aliquid tragœdiæ. Quid excogitari potuit alienius
ab omni humanitate fideq; Germanica: quid optatius
aut gratius bonarum literarum hostibus: quid ipsis bo-
nis literis incōmodius: quid Euangelico negotio per-
niciosius, aut si libet etiam Lutherano, cui se iactat fa-

EPIST. ERAS. AD ZVINGLIUM.

uere? Bellum indixerat Romanensibus, & amicū syn-
cerissime amantem, nulla ex postulatione præmissa, tam
amarulento libello inexpectantē aggreditur, ut in nul-
lum hostem adhuc scripserit uirulentius. Et interim au-
xit, ut audio, libellum, quasi parum ibi fuisset ueneni,
nec uidetur unquam facturum finem, posteaq̄ semel bel-
lum indixit, & Musis & Gratijs. Equidem nō inuideo
illi Heluetiorum humanitatem, qui cōcedunt latebras,
quo tutus sit interim ab his qui uenantur illum ad sup-
plicium. Sed tamen curandū est, ne sic abutatur He-
luetiorum humanitate, ut apud eos tuto latitans, tales li-
bellos ei aculetur in capita quorumlibet de studijs pu-
blicis benemerentiū, interim nec Pontifici parcens, nec
Cæsari, nec Germaniæ prināpibus, ac ne Heluetiæ qui-
dem gentis integerrimis uiris, quorum de numero est
Lodouicus Berus. Hæc quoniam scribit apud Heluet-
tios latitans, metuendum est, ne quid hinc olim inuidiæ
aut incommodi perueniat ad hanc gentem, quam opti-
mus publica tranquillitate, cunctisq̄ bonis esse floren-
tissimam. Nihil autem facilius q̄ serere dissidia, quum
difficillimum sit mederi malo semel nato. Bene uale.

PURGATIO ERASMI ROTERO/
DAMI, AD EXPOSTVLATIO/
nem Vlrici Hutteni.



Nunc uicissim audi, si uacat, rhetorem
Laconicum Asiano respōdentem, non
breuiter modo, uerum etiam ciuiler:
tantum enim spongia deterfurus sum,
quæ ille in me asperfit, nihil autem cri-
minum aut cōuitorum in aduersarium regeram. Da-
bitur hoc uel amicitie pristinae, uel meae perpetuae con-
suetudini. Scio non fert contemptum Hutteni genero-
sus animus. Proinde quum multos lacefferit antehac
acidis libellis, nec ullus illū hactenus responso dignatus
sit, & hoc honoris feret à uetere amico. Precor autem
optime lector, ut hic te mihi præbeas attentum. Neque
enim te cupio testem modo huius cōflictationis, uerum
etiam cognitorem ac iudicem. Huius tragœdiæ prohœ-
mium hinc extitit, quod Huttenus quum Basileam ad-
uenisset, non est admissus ad nostrum colloquium. Ac
dictu mirum, quàm atroces hinc conetur excitare tu-
multus. Sed hos fumos omneis discutiet ueritatis sim-
plex ac dilucida narratio. Verbum nō affingetur. Res
enim sic habet: Henricus Eppendorpius, qui quoties
in hoc argumento mihi nominabitur, honoris causa no-
minabitur, primus obnunciauit Huttenum esse Basi-
leæ. Hoc statim exhilaratus nuncio, percontari coepi,
quid ualeret, ecquid tuta omnia, num faueret magistra-

PURGATIO ERASMI AD

tus, aliaq; consimilia, quemadmodum solemus de his, quibus ex animo bene uolumus. Certe id tēporis Hutteno ex animo bene cupiebam, ut si quis alius. Ad cetera gratulatus, de sola ualetudine dolebā, quam aiebat uehementer afflictam. Tandem rogabam Epphendorpium, placidis uerbis persuaderet Hutteno, ut si nihil esset nisi uulgaris cōsalutatio, temperaret à cōgressu, quod ea res nihil esset illi cōmoditatis allatura, me graua natura esset inuidia, iam plus satis grauatū. Ceterū à pristino meo in illum affectu nihil decessisse. Quod si qua in re officii meū desideraret, id fore promptissimum. Hoc se renunciaturum recepit Epphendorpium, nec dubito, quin qua est ciuilitate præditus, cōmodius etiam retulerit, quàm ego mandarim. Certe profitetur se quanta potuit ciuilitate meam orationem pertulisse. Vbi me reuisit post unum atq; alterū diem, rogo num boni consulisset Huttenus meam colloquij deprecationem. Imò, inquit, suauiter arrisit, & in bonam partem interpretatus est. Rursum testificatus animum erga illum meum, officium defero, si quid à me præstari uellet Huttenus. Post dies aliquammultos, rogavi familiarius Epphēdorpium, diceret ingenue, num Huttenus uideretur eodem animo accipere deprecationē meam, quo ego facerē, & num quam animi offensi significationem daret. Negauit ille se quicquam tale in Hutteno deprehēdere. Sed abiturus adiecit: Fortassis, inquit, cuperet tecum colloqui. Roganti, num istud dixisset Huttenus,

EXPOSTULATIONEM HUTTENI.

Huttenus, negauit, sed est fortassis, inq̄t, quod cuperet tecum colloqui. Tum ego: Quanquam, inq̄, cupiebam inuidiam defugere, tamen ea res nō tanti est apud me, quin facile contempturus sim, si quid habet seriæ rei, quod mecum agat: aut si alioqui hæc res illi cordi est, si quo modo ferre possem hypocausta, ipse cōuenirem hominem. Ille fortassis ut est affectus, nō potest abesse ab hypocaustis. Quod si potest ferre frigus huius aule, libens cum illo cōfabulabor usq; ad satietatē, & curabimus ut sit luculētus focus. Ad hoc respōdit Epphēdorpius Huttenū corpore misere affecto semper uersari in hypocaustis. Interea discedit Huttenus Miltusii. Narrat Epphēdorpius, q̄ feliciter elapsus esset è periculo. Ea res mihi uoluptatē attulit. Testis enim esse potest Epphēdorpius me id temporis etiam animo sollicito fuisse, ne quid accideret Hutteno secus q̄ uellemus. Itaq; quum eò rediturus esset Epphēdorpius, onerauimus cum mandatis, admoneret Huttenum, ne securitate sua ueniret in aliquod periculum, non enim deesse, qui uenarentur illum, haberet suspecta omnia. Aediderat libellum quendam in medicum huius urbis, planè ridiculum. Mirabar apud Epphēdorpium, unde illi in morbo, in tanta rerum angustia, tantum ocij, ut luderet talibus libellis. Respondit illum talibus iocis auocare animum suū. Mallem, inquam, illum hac ætate sibi deligeret aliquod argumentum in quo neruos omnes ingenij expediat, & per quod honesti nominis memoriam

PURGATIO ERASMI AD

transmittat ad posteros. Respondit Eppendorpius, illū totum in hoc esse, ut stilum absolueret. Hæc dum ego simplex & candidus amicus sollicite uerso pro meo Hutteno, redit ab illo Eppendorpius, annūcians Huttenum uehemēter in me stomachari, & nescio quid atrocis libelli aduersum me habere in manibus. Ea res ut obtigit præter meritū & expectationem, nouitate ipsa percelluit animum meum. Roganti quid esset causæ, respōdit Eppendorpius, hoc urere illius animū, quod non esset admissus ad colloquium. Atqui, inquam, aiebas illum hoc boni consulere: uerum, inquit, sed postea cō abijt, mire coepit offendi, nec uidetur posse placari. Iam is rumor latius etiam spargebatur, adeo ut Beatus quoq; Rhenanus sollicitus adiret me. Is me permittente accersit & Epph. Cōsultatur de remedio. Respondi me non posse præstare, quid huic aut illi subito ueniat in mentem, Mihi satis esse, quod animum præstem, cui nemo merito posset irasci. Nam quod ad colloquium attinet, tu scis, inquam, Eppendorpi, quā nullam habeat in me stomachandi causam. Visum est illis, ut Huttenus anteq̃ prodiret liber aliqua placaretur epistola. Respondi mihi uideri optimū dissimulare. Nam eiusmodi ingenia tum maxime ferocire, si quis conetur placare. Quum illi consentirent à me dissentientes, scripsi Hutteno, meum animū nullius mali sibi conscium esse, si quid falso delatū esset, aut alioqui suspicaretur, expostularet priuatim per epistolam, me non dubitare, quin illi

EXPOSTVLATIONEM HUTTENI.

quin illi per omnia satisfactorius essem. Consideraret interim an hoc quod moliretur, cōduceret publicis studijs, negotio Euangelico, ac rebus etiam ipsius, ut tum habebat. Nō me mea fefellit opinio. Retulit Epphedorpius epistolā atrocissimam. Iam enim existimabat me hominem meticulosum, formidine tremere. Proponit aliquot capita criminum, quod Capitonem Capnioni in literis Hebraicis pretulerim: quod ipsum Huttenum in epistola ad Hochstratum perstrinxerim: quod Capnioni perfidiae labem asperserim: quod Theologis Louuanensibus & alijs nonnullis sim blanditus. Denique quod subito desciuerim ab Euangelico negotio, & ad huius subuersionem totum animum intenderim. Et interim promittit se libellum intra triduum per famulum missurum. Atqui huius exemplar, iam hic per multorum manus uersatum, missum erat Thurregiū, & populus mihi narrabat, quid Huttenus in me scripsisset: Respondeo per literas ad capita, quae primis literis proposuerat, multa monens, quae nō minus in rem ipsius erant, quàm meam: Respondet paulo mitius, iam extincto Francisco Sichino, & hanc fert conditionem, librum iam esse missum typographo, ut obticescerē, ita pacem atq; etiam amicitiam fore inter nos, si uellem ut antea. Tandem redditus est libellus, nec obsignatus, nec obligatus. Eum premere, quum iam nec ipsi Hutteno esset in manu, tamen erant qui serio agerent, ut missa etiam pecunia, si superis placet, impetraretur ab Hut-

PURGATIO ERASMI AD

teno ne prodiret. Ego constantissime respondi: Optimum fuisse, librum eiusmodi nunquam scribi, ceterum postea quam iam sparsus esset, & exisset auctoris manus, nihil esse melius, quam euulgari quamprimum typis. Et id me curaturum meo sumptu pollicitus sum, si uolente fieret Hutteno. Interea comigrat Thurregium Huttenus. Inde scribit ut hoc factum in Aten Homericeam reijciamus, post hæc omnia prudentius acturum sese. Præterea nihil actum est inter nos. Hæc omnia sic habere, nemo potest esse testis magis idoneus, quam Epphædorpius, qui ex tot meis liberis, ac familiaribus colloquijs, satis animaduertit, me purum amici animi affectum obtinuisse erga Huttenum, & à nullo minus suspicatum hostilia exoritura, quam ab illo. Vbi est igitur ista inhumanitas, quam Huttenus uerbis exaggerat? ubi contemptus tanti uiri? ubi metus seuæ illius expostulationis, quam sustinere non potuissem? Blande rogavi, ne sine causa grauaret amicum inuidia, plus satis grauatum. Non detrectaui colloquium, si quid esset seriæ rei. Detuli amici officium, etiam usque ad pecuniam, quam mea tenuitas impartire potuisset. Postremo obtuli colloquium, etiam si nihil esset seriæ rei, modo ita sederet animo illius. Delectus est huic negotio interpres gratiosus ac ciuili facundia, qui si quid etiam habuisset odij res ipsa, generosus, cognatus & ciuilis interpres lenire potuisset. Liqueat igitur, quam non suo loco dicta sint illa toties Hutteno: repulisti à colloquio. Ego ut
 tum eram

EXPOSTVLATIONEM HUTTENI.

tum eram affectus, uel Cōstantiam usq; non grauatus
 fuissem adequitare, si sensissem hoc serio referre Hut
 teni, tantum abest, ut à colloquio submoturus fuerim.
 Tantum apud me ualebat amicitia, quam ante complu
 res annos, Musæ inter nos cōciliarant, ac semel inita,
 mutua quædam aluerant officia. Testantur hoc meæ
 lucubrationes, quàm non uulgariter adamarim inge
 nium & uenam Hutteni. Nam immodicā illam liber
 tatem condonabam ætati, ac temporis progressu corre
 ctū iri sperabam. Videbā in eius scriptis amplam, splē
 didam, ac paratam uerborū supellectilem, naturæ satis,
 rationem, iudiciū & consiliū sperabam ætate, usu, stu
 dioq; accessura. Iam si quis consideret, quo in statu res
 meæ tum fuerint atq; etiam nūc sint, quo loco res Hut
 teni, nimirum prudentiam iudicabit deprecari collo
 quium, quod alteri sit ociosum, alteri onerosum, & in
 humanus uidebitur non qui deprecatur, sed qui depre
 canti irascitur. Verum urget me Huttenus meo testi
 monio, qui cādorem illius prædicarim, quod neminem
 solitus sit degrauiare inuidia. Fateor à me prædicatam
 ingenuitatem Hutteni, qui cum cæteri libellos emitte
 rent, aut nullis, aut fictis titulis, ipse suo titulo addito,
 præter se neminem grauaret suspitione. Quid istuc ad
 hanc causam? Si laudauī cādorem in Hutteno, ea res
 illum mouere debebat, ne hic esset sui dissimilis. Si quis
 laudet uinum probum, an is post accusabitur uanitatis,
 si eōtingat uinum acfescere? Utinam hic tantum me ua
 num red/

PURGATIO ERASMI AD

num reddidisset Huttenus: Vltro, inquit, abstinuissem ab ea uoluptate, quam nunquam non capio ex cōgressu tuo, si uidissem inde te grauandum inuidia. Hoc si sponte sua facturus erat, quum constet nostrum colloquiū inuidia carere nō potuisse, cur indignatur mihi, qui hoc tam ciuilitate admonuerim ut faceret, quod ille uel non monitus erat facturus? Quos inimicos habeat Huttenus non exquiro, nec mihi perinde ab illis inuidiam metuo. Sed hic congressus permanaturus erat Romam ad Pontificem, in Hispaniam ad Cesarem, in Brabantiam ubi strenuos habeo sycophantas, in Angliam, ubi nō deficiunt, qui me uolentem nolentem faciunt Lutheranum. Si paululum est ueri, multa solent affingi. Huiusmodi rumorū inuidiam metuebam. Id satis perspicere potuit Huttenus ex meis ad Laurinum literis: Quid opis, inquit, speres ab eo amico, in rebus afflictis, qui rebus adhuc integris, congressus inuidiam detrectet? Imò illi sunt amici certissimi, qui se seruare norunt integros occasione, ibi timentes periculum, ubi nihil commoditatis sit amico. Non enim nunc differo, quàm illi res sint integræ. Certe optarim illi secundiores, modo ipse sibi sumat animum fortuna meliore dignum. Omnes, inquit, gratulantur Hutteno: Magistratus alius super alium reuerenter adeunt, multi omnium ordinum quasi certatim irruentes inuisunt, solus Erasmus clausum se domi tenet. Quis unquā uidit Erasmus tempore salutandi gratia prodire domo? Deinde non

EXPOSTVLATIONEM HUTTENI.

non est meum eleuare humanitatem magistratuū huius urbis, quam & ego non semel expertus sum. Erat magnæ humanitatis fateor, quod Huttenum admiserunt, sed maioris, quod dimiserūt. Addam & illud laudis: Malūt hoc suum officium sileri, quàm iactari. Ea est illorum modestia. Vtinam autem Huttenus sic sese gereret, ut bonorum humanitate perpetuo posset uti. Sed ijdem qui permittebant hospitium, admonebant, temperaret à uerbis unde tumultus aliquid nasci posset, multo minus approbaturi tales libellos. Verum si qui sunt, quos non grauat hæc inuidia, cuiusmodi sunt multi ignoti, aut tam potentes, ut possint contemnere, quid hoc ad me, qui uix subsisto aduersus inuidiam, nec habeo quo me tuear, nisi solam innocentiam? Desinet autem mirari, me tantillū metuere inuidiam, qua nulla pestis nocentior, qui perpēderit, quod Card. Moguntinus pridem Huttenum è sua familia dimiserit, non ob aliud, nisi quod nollet per illum inuidia degrauari. Franciscus Sychenius, quo consilio dimisit Huttenum ab sese, nisi quia uitabat inuidiam? Qui Hutteno sanguine coniunctissimi sunt, quur malunt illum abesse à possessionibus paternis, nisi quod metuunt inuidiam? Hæc cum nulli sint obscura, solus Erasmus metuit inuidiam. Non oportuit contemni, quem reges ac principes dignati sunt alloquio suo. Per me sanè non minuetur maiestas Huttenici nominis. Sed non cōtemnit, qui declinat inuidiam, nisi forte contemno regem Gallorum, qui

PURGATIO ERASMI AD

rum, qui me cupidus cupidum expectat, & ad salutem meam pertinebat esse in Gallia. Et tamen abstinui, metuens inuidiam, quod inter illum & Cæsarem nondum satis cõueniat. Quum essem proxime Brugis, detrectaui colloquium regis cuiusdam amantis mei, non quod contemnerem, sed quod inde metuerem inuidiam à Romanensibus, quam tamẽ non potui prorsus effugere. Atq; utinam Huttenus ita temperasset sua consilia, uti quemadmodum tum respectu principis sui, cuius negotium agebat honorifice acceptus est apud Gallos, ita nũc quoq; inter magnos haberetur gratosus, possetq; ab omnibus citra inuidiam amari coliq;. Iam uero mihi uide, quàm odiosam causam cõminiscitur detrectati colloquij. Dicis equitem esse natũ non ad equitandum, sed ad calũniandũ. Sciebã ipsum, ut ait, quædam mecũ expostulaturum, atq; ideo mihi male conscius, fugitabam illius alloquium. Vnde tandem ista noua Hutteni autoritas, ut illum expostulantem, senex iuuenem, sustinere non potuerim? Vnde repente ex Hutteno factus est Cato Censorius? Solet olim mecum loquens, reuerentem quandam modestiã præ se ferre, quæ certe magis illius decebat etatẽ, quàm ista linguæ calamiq; petulantia. Sed unde coniectare potui, quod haberet aliquid, quod mecũ uellet expostulare? Cum esset Sletstadij (ut scribit in suis ad me literis) dederat hoc in mandatis Beato Rhenano, ut mihi significaret, esse quod in me desideraret Huttenus. Atqui Beatus Rhenanus, nec

uerbum

EXPOSTVLATIONEM HUTTENI:

uerbum ullum scripsit ad me ex Sletstadio, nec huc reuersus iam hinc profecto Huttenu, significauit unquam sibi fuisse colloquium cum Huttenu. Nec id omnino prius rescui, quam ex literis Huttenicis, quas ad me dedit ex Milthusio. Eas legenti mihi, forte fortuna aderat Epph. & Beatus. Cum uentum esset ad eum locum: Beate, inquã, hic tu uocaris in ius, opus est tibi patrono. Ibi Beatus ingenue fassus est id quod res erat, se nihil unquam significasse, & cur non fecisset rationem reddidit. Ac post per ocium rem omnem sic nobis explicuit, ut cogerer hic desiderare simplicitatem illam Germanicam in Huttenu, qui hoc argumentum calliditate quadam affectarit, ut haberet, quo calumniaretur meam conscientiam. Neque enim Beato quicquam seorsum aut serio mandauit, aut eiusmodi quod opere precium esset me scire. Tantum omnibus qui aderant audientibus aiebat me non perinde fauere Luthero, id interpretabatur metum, dicebatq; se mihi animum additurum. Ac post similia quedam mandauit illi, quum putaretur Basileam repetiturus, nihil interim minitans, aut ullam significationem dans stili in me acuendi. Ac ne id quidem seorsum actum est, sed in medio strepitu simul ridentium ac nugantium congerrosum. Atq; interim honorificentissime de me loquebatur, ut Beatum nulla potuerit subire sequuturæ tragœdie suspicio. Deinde quum negocia Beatum diutius remorarentur in patria, Huttenu quasi liberans illum

mandatis

PURGATIO ERASMI AD

mandatis indicauit se mox Basileam aditurum, mihiq;
 plus satis meticulofo additurum animum. Ita conque-
 uit Beatus nihil suspicans oriturum mali. Nec oritu-
 rum erat, si contigisset colloqui. Decem uerbis satisfe-
 cissimè Hutteni stomacho. Certe Beatus aliquanto post
 reuersus est Basileam, quàm hinc discessisset Huttenus.
 Is quum presentibus aliquot amicis, quorum erat Lo-
 dou. Berus, me salutaret, rogabat quomodo mihi con-
 ueniret cum Hutteno. Responsum est, optime. Atq; ita
 tum mihi planè persuasum erat. Rursum quum ite-
 rum me salutandi gratia conuenisset, Eppendorpi-
 us exhibuit Hutteni ad ipsum literas, in quibus man-
 dabat, admoneret me ne insectarer Lutherum, se qui-
 dem plurimum fauere mihi, cæterum me non posse
 ipso uti amico, nisi à Luthero impetèdo temperarem.
 Quum autem id tēporis nihil minus cogitarem, quàm
 de Luthero scriptis impetendo, uidebatur inter nos fu-
 tura tranquillitas. Quum apud nos nihil interim esset
 ortum nouæ rei, paulo post adfertur horribilis nūcius,
 Huttenū uehementer infensum, scribere in Erasmus.
 Hæc pluribus cōmemoranda duxi, ut perspicuū sit me
 nec quicq̃ cognouisse ex Beato, neq; de animo Hutteni
 offenso quicq̃ potuisse suspicari. Hoc igitur fundamen-
 to sublato, corruit, quicquid hic calumnie superstruit
 Huttenus. Cur non idē hæc mandauit hic Epph. Acha-
 ti suo quod illic mandarat Beato? At ille renunciauit
 Huttenum sereno tranquilloq; esse in me animo. Quod
 si ego

EXPOSTULAT. HUTTENI.

si ego sensissem animum Hutteni, quem tum uere amabam, aliqua suspitione exulceratum, nihil opus erat ambire colloquium, ipse ultro uel congressu, uel literis nascenti malo medicatus fuisset. Nam ea de quibus uolebat expostulare, quàm sint friuola, mox aperiam. Sed prodo cōscientiam insynceram, quod in literis ad Laurinum prætexo hypocaustū fuisse in causa, quo minus congressi simus, uelut amoliens à me crimen inhumanitatis. Imò soleo libenter in scriptis meis amicorum meminisse per occasionem, quumq; plures essent cause cur detrectassem colloquium, solam in literis ædendis eam refero, quæ nihil haberet odij, tametsi Huttenus hanc odiosam uocat in quadam epistola. Illud sane ridiculum, quod frequēter obambulans, ut ait, præter domū meam, euocare conatus sit me ad colloquium, nec me id fugisse. Scilicet soleo brumæ tēpore obsidere ad fenestram, prospiciens si quis prætereat. Sed quid opus erat sic elicere? Nunq̄ ferè nō patebat ostium domus meæ, præter morem huius urbis, licebat ingredi & postulare colloquium. Quod si fores erant occlusæ, licebat pulsare. At tu deprecabar, inquit, colloquiū. O nouum pudorem. Vtrū igitur uerecūdius erat, adire detrectantem colloquium, an mox scribere talem libellum in amicum nihil suspicantem? Debuerat saltem epistola expostulare prius quàm hanc occipere tragediam, quum tot scribat epistolas. Solet hostibus missis fecialibus denunciare bellum, & amicum inopinante

PURGATIO ERASMI AD

tem adoritur? At forsitan dicet se nōnihil significasse Epph. de animo in me suo. Istud ego qui diuinare potui, quum Epph. cōstanter affirmaret apud me, se nullam alienioris animi notam deprehendere in Hutteno? Id esse uerum ipse Epph. non negat, & frequenter professus est, quum apud me, tum apud alios complures, quorum est Beatus, Glareanus, Botzemus, alijq; nōnulli. Vides igitur lector, quān hic nihil à me cōmissum uel inciuiliter, uel superbe, uel parum amice, uel ex mala conscientia. Nunc mihi finge aliquid admissum præter leges gratiarum, cū fateatur me talem amicum, qualem uix habuit aliū, quum fateatur meis laboribus etiam publice multum debere Germaniam: nōne prius oportebat expostulare, quān talem ædere libellum, quo nullū adhuc in quenquam scripsit uirulentiolem; & interim expostulationem uocat. Atque in epistola quadam mitissimam uocat pro rei atrocitate. Vbi nūc igitur illi communes amici, quibus dolet Huttenum repulsum à colloquio, quum Epph. sciat non esse repulsum, & factum Hutteni improbet, quod ne possit inficiari Huttenus, ipse suis ad me literis testatur. Atque hactenus de detrectato colloquio. Nunc ad crimina ueniendum est, quibus ille natura mitis Hutteni animus, ad tantam sæuitiam exasperatus sit. Ea uidelicet oportet esse uehemēter atrocia. Fatetur nostram amicitiam fuisse nō uulgarem, fatetur me magnifice meritum ac mereri de publicis studijs. Atque hic mihi plus tribuit quān

10

EXPOSTVLAT. HVTTENI.

q̄ agnosco. Sumit sibi primam laudē ueritatis: ea de-
 cet Germanū. Nō patitur abrogari sibi laudem huma-
 nitatis, ea decet literatū. Negat sustinere se, ut à quoq̄
 instigetur aduersus amicū: decet hoc fortē ac pruden-
 tem equitē. Nec puto illū ignorare, q̄ nihil sit tribuen-
 dū linguis delatriabus, per quas sepe numero tota etiā
 regna subuertūtur. Nec fugit eū, q̄ egre sit renundan-
 dum amicitiae, praesertim quae minime uulgaris fuit: q̄
 non temere ca pienda sit aduersus probatū amicum su-
 spicio. Postremo quando morū quoq; laudē sibi uindi-
 cat, nō potest illū fugere, quid reuerētia debeat iuuenis
 seni, cano, amico, benemerito, & benemerenti. Quid enī
 nūc aliud ago, q̄ assiduis meis laboribus rem Euange-
 licam promoueo? Atrox igitur flagitium intercesserit
 oportet, quod compulerit Huttenum humanitatis anti-
 stitem, uiolatis omnibus Gratiarū legibus, oblitum om-
 nis meae beneficentiae pristinae, spreta reuerentia, quae
 debebatur huic caniciei, quam ipsam magna ex parte
 debeo laboribus quibus publicae utilitati inseruio, nul-
 la praemissa expostulatione, quae fieri solet inter publi-
 cos hostes, prius quam signa committantur, librum in
 Erasmi euulgarit, tot mendacijs, tot conuitijs, tot ama-
 rulentijs undiq; scatentem? Nō abrogo ipsi laudem ue-
 ritatis, sed hoc indicat ipsa res, illi, quum haec adora-
 naret, suggestorem fuisse in consilio longe omnium ua-
 nissimum. Ceterum iam audiamus horrenda crimina,
 quibus dilutis, ueniam ad illud omnium atrocissimum,

PURGATIO ERASMI AD

Si uerū eſſet, quod ego prius ſtare ſolitus à parte Euangelica, nunc ſubito mutatus in diuerſum aggrediar totum Euangelium unà cum Chriſto ſubuertere, cum hic ipſe Hutteni libellus offenderit me toto pectore ſudantem in prouehendo negotio Euangelico, nec ab hoc ſtudio cōquieuerim unquam in tantis rerum tumultibus, ac discriminibus. Primū igitur crimen illud eſt: Inter epistolae meas extat quaedam ad Iacobū Hochſtratum, cuius initium eſt: Antehac legenti mihi, quam ſi cui uacabit legere, protinus intelliget, quàm ſit impudens calumnia, quod intēdit Huttenus. Expoſtulo enim illic cum Hochſtrato, quod amarulentius, quàm deceat Theologum inſectaretur Capnionem, quod incomparabilem uirum Comitem à noua Aquila, ſuis ſcriptis odioſe perſtrinxisset, quod me quoq; in libro quem aduerſus Capnionem ſcripſit de Cabala, præter occaſionem ac meritū attigiſſet. Ad id quod tum inſtitueram, puto nihil argumentorum eſſe prætermiſſum. Sed offendit Huttenum quod illū appellem R. patrem, quaſi uero non in medijs etiam bellis reges honorent ſeſe ſolennibus titulis. Certe nullus tam fuit ſuſpicioſus præter Huttenum, qui me iudicaret eiſmodi titulis aduſum Hochſtrato. Erant qui illū ſuſpicarentur irriſum. Sed offendit ſerio, quod in eadē perſtrinxerim ipſum, quod agens de epistolae, quas Capnion, Buſchius, Comes à noua Aquila, & Huttenus, ſatis atroces ſcripſerant in Hochſtratum, hæc uerba ſubiecerim. Harum omnium

EXPOSTVLAT. HVTTENI.

omnium amarulentiam, nullo pacto ferre potuissem, nisi scripta ea prius legissem, quibus ad hanc intemperiam uidebantur efferati. Haecenus epistolae meae uerba recensui. Quis autem est usque adeo uel nullius, uel peruersi iudicij, ut non uideat haec mihi dicta ex affectu Hochstrati, cui haud dubie uidebantur ea uirulentissime scripta? Atque hoc ipsum quod Hochstratus mihi largitur, in ipsum retorqueo, qui suis scriptis causam dedit tam amarulentae scriptioni. Eiusdem prudentiae est, quod quum alicubi scribam me rei Theologicae rudem, ac nullius iudicij, rogat unde mihi haec noua ruditas, aut non intelligens, aut certe dissimulans hic aliorum sermonem referri non meum, quo tamen abutor ad colligendum id quod aduersus ipsos facit. Est autem hoc efficacissimum argumentandi genus, telum ab amicis porrectum, in ipsos retorquere. Hic scio me clamabit Huttenus artificem. Imo hoc in arte dicitur consilium, quod qui non intelligit, ne uelit uideri facundus. Quod si ab hoc argumentandi genere nec Christus, nec apostoli abstinerunt, aequum est mihi dari ueniam. Sed magis exulcerat animum illius, quod in eadem sequitur epistola. Eas igitur non simplici cum dolore legi, nunc illorum, nunc tuam uicem ingemiscens, subinde metuens, ne bonis & aequis uiris, tam acerba conuitia, non omnino in immerentem contorta uiderentur. Quid hic stomachatur Huttenus? Significo bonis & aequis uiris uideri eas epistolas non omnino in immerentem scriptas: Sed oblique

PURGATIO ERASMI AD

dicis, inqt, & figurate. Verũ sic expediebat causa quã agebam. At interim non habet, quod queratur Huttenus. Neq; enim ipsi impingo intemperiem aut uanitatem, sed accuso Hochstratum. Fortasse sic me uolebat Huttenus scribere: Spurcissima latrina, tun' audes uiros heroas tuis merdosis libellis aspergere? Forsitan sic decebat scribere Huttenum, at non decebat Erasmus. Si sanabilis erat Hochstratus, erat apta ciuilitas: sin erat insanabilis, magis illũ apud bonos grauabat mea modestia, q̃ grauasset procacia. Caterũ cum is locus ad quatuor uiros ex æquo pertineret, cur nec Capniõ unq̃ offensus est, cuius epistola mihi uere displicebat, non q̃ magnopere solliatus essem, quid scriberetur in Hochstratũ, sed q̃ dolerẽ optimũ senem ad tantã animi perturbationem perductũ, quantã illa præ se ferebat epistola. Cur nõ est offensus Buschi? Nã Comes, uir emũtissimo iudicio, delectatus est etiam illa epistola, & gratias egit, q̃ nunq̃ fecit Hochstratus. Postremo cur Huttenus hac de re nõ expostulauit meccũ, cum esset in Brabantia? Iam enim uolumen erat æditũ. Hoc cũ ita perspicuum sit, ut uel cæco, quod aiũt, appareat, quorsum attinet ille uerborum tumultus, quem hic excitat Huttenus, de sua leni moderataq; scripture, de mirabili illa ueritate, cuius ubiq; tenacissimus est, de mea leuitate ac simulatione? Huttenus me autore nõ cœpit esse hostis Hochstrato. Iam enim triũphum in eũ scripserat anteq̃ me uidisset, aut nosset. Hoc carmen meo cõsilio pressit

EXPOSTULAT. HVTTENI.

lio pressit biēniū. Et interim me de Hochstrato q̄ atrocissime loquentem facit. Arbitratur hoc artis esse. Sed præstiterit ante q̄ ad cætera crimina progrediar, pauas admonere lectorē, q̄bus in rebus tota huius libelli sita sit eloquētia. Sita est in asūptionib⁹, afflictionibus, sermocinationibus, & exaggerationibus. Nā cōuitia passim aspergit, cōdimēti uice. Assumptionē appello, cū ait exempli causa: Erasmus impingit Reuchlino crimen perfidie. In his mirū, q̄ nihil habeat frontis. Nihil plus habet in affingēdis causis. Dicet aliq̄: Quæ res cōmouit Erasmi, ut qui tātoperæ prædicarit Reuchlinū, subito mutatus, tā fœdā notā illius nomini studuerit inurere? Hic affingit inhumanitatē & inuidiā fuisse in causa, q̄ pati nequiuerim, quosdā dicere Reuchlinū alterū esse Germanie oculū. Atq̄ quod assumis, aut per se cōstare debet, aut erat idoneis argumētis probandū, si uelis bonum præstare rhetorē. Deinde causa debet esse talis, ut probabiliter cōpetat in naturā ac mores hoīs. Frequēter aut me loquentē facit, nō qualia dixerim, sed qualia in eo negoāo diā poterant. Idq̄ facit nō ex uero, sed ex suo cōmodo. Id fortasse licet uetustarū rerū scriptoribus, ueluti si quis scribat uitā Alexandri Magni. Ceterum in causa recēti, cuius tam multi testes esse possint, nō est idem ius. Quanq̄ dū mihi attribuit orationem, parū meminit decori, quem splendidius ac magnificētius loquentē facit, q̄ soleam. Deinde nihil est tam friuolum, quod ille tragicis uerbis non exaggeret, quum

PURGATIO ERASMI AD

oporteat orationē, ut uestem corpori, sic rebus esse congruam. Hæc admonitio nonnihil lucis addet lectori in tota oratione. Ac primum in affingenda oratione, uide quid statim assumat: Me laudare nunc Hochstratum. Ostendat quæso locū ubi mihi laudatus sit Hochstratus. Certe illa epistola, quam adulatricem uocat, & plena libertatis est, nec aculeis uacat. Nam quod illum alicubi non familiarem quidem, sed ueterem amicum appello, quis non intelligit subesse ironiam? Nunc sermo in orationem audiamus: Tu solebas, inquit, qui hoc laudas scelus nunc, exclamare hunc esse ab iratis superioris immissam terris pestem, quæ literas ac ingenia conficiat. Hanc esse calamitosam optimorum studiorum uastitatem ac perniciem. Hoc immitte omnis humanitatis exitium, hanc illam esse facem, qua illud exarsisset hoc tempore incendium, unde periculum sit, ne conflarent omnes recte studiosi. Quis non statim intelligat hanc phrasim Hutteni esse, non Erasmi? Ait me neminem non hortatum, ut stringeret calamū in Hochstratum. Proferat unum, & uicerit. Nam illud prorsus artis rhetorice schema putat, quod humanitatis gratia nolit proferre epistolas homicidas, uidelicet, ut plus relinquat in suspitione. Non deprecor quin proferant, modo proferant omnes. Illæ conuincunt me nunquam fœderatum fuisse Lutheranis. Mihi in Hochstrato iam olim displicuit animus ille ferox, infensus bonis literis, & cōcitandis tumultibus natus, gloriæ sitiens ex aliorum malis

EXPOSTULAT. HUTTENI.

rum malis collectæ . Nec amicitiam hominis unquam
ambij, nec similitatem cum illo uolui exercere, uideli-
cet consulens ocio studiorum meorum. Quid aut̄ inhu-
manius quàm hic recēdere quid effutitum sit in liberis
computationibus, aut confabulationibus amicorum, cu-
ius nec meminit is qui dixit, nec hi qui referunt? Verū
ubi res agitur serio, tum apparet quid habeas animi.
Scripseram Reuchlino, etiam ante quàm uiderem, ut
in Hochstratum & illius sodales moderatius inueher-
retur, non quod bene uellem Hochstrato, sed quod Reu-
chlino. Si Capnion omnia sua solitus est effundere in si-
num Hutteni, non dubito, quin & has epistolas ostens-
derit. Quum Comes à noua Aquila me literis consuler-
ret, an deberet similitatem remittere Hochstrato, hoc
tum promissa palinodia ambientem, dedi cōsiliū ut ani-
mo Christiano remitteret iniuriam. Atq; is, quum me
uirulentissime impetisset Leus, meum mihi consiliū
ingessit, admonens, ut quod ipse meo suasu fecisset in
Hochstrato, nunc facerem in Leo. Hec epistolis do-
ceri possunt. Quum Buschius esset aditurus opus cui
titulum uertit, Vallum humanitatis, admonui homi-
nem, moderaretur stili acerbitatem. Moderatus est,
& liber legitur citra offensam à doctis. Talia sunt
mea consilia, quum res agitur serio. Nūquam non hor-
tatus sum ad moderatiora. In conuiujs aut confabu-
lationibus amicorum nugor quicquid in buccam uenit,
sepe liberius quàm expedit. Et hoc mihi uitium

PURGATIO ERASMI AD

est maximum, ut ait Terentianus ille Parmeno. Quis autem nō existimet ex omnium hōminū consortio deturbandū, si ego nūc rebus exulceratis proferre uelim, quæ amici liberis epistolis ad me perscripserunt, aut mea fide freti apud me effutierūt, etiam si ex amicis facti essent inimici? Cū Huttenus nobis narraret se indixisse bellū Romanensibus, rogabam ludens, quid faceret Prædicatoribus? Respōdit arridēs, & illos fore Romanēses. Dein in cōuiujs subinde rogabā, quādo pēderet Hochstratus? Respondit hoc se breui curaturū. Sed hæc dicebantur his uultibus, ut nemo non intelligeret utrūq; nostrū iocari. Iā uero quorsum attinet exaggerare, me, dū capto unius gratiam, ipsum in omniū odiū pertrahere? Arbitror ex meis scriptis aliquid honesti nominis ac fauoris accessisse Hutteno, odij ne micant quidem. An ideo uenit in odium omniū, quod meminerim quatuor epistolarum? At eas iam euulgarant ipsi. Sed fingat me plusq̄ hostili animo fuisse in Hochstratū, & fingat postea cū illo redisse in gratiam, quid hoc ad Huttenū? An ego tale foedus cum Hutteno unq̄ inijs, quale solent reges, ne cū quoq̄ iūgerem amicitia, qui cū ipse haberet bellū? Liberū est Hutteno amare, quos ego nō amo, & odisse quos ego diligo. Idē ius æquum est & mihi cōcedi. Christianū est cum nullo mortaliū habere similitatem, humanū est, eam si inadat, ciuilitate exercere, & quum primum licet deponere. Et tamen nec usquam assentor Hochstrato, nec amicitiam cū illo sarsi,

EXPOSTULAT. HUTTENI.

lo sarsi, nec Huttenū ullo pacto grauavi aut lesi. Atq; hic, si Musis placet, iudicauit tempestiuū tractare locū cōmunem de non simulando in amicitia, quasi uioletur amicitia, si Hochstratum oblique tractem. Cur nō eadem opera reprehendit & Zopyrum, quod nō simpliciter se gesserit apud Babylonios? Iam uero crimen crimini, uelut linum lino connectit. In epistola ad Laurinum nuper edita, narro per quosdam rumorem fuisse sparsum, Hochstratū in Brabantia exuisse libros meos. Id interpretor factum ab his, qui hac techna conarētur me prouocare, ut palàm inueherer in Hochstratum. Ac ne ledam omnes qui fauent Lutherō, addo me nescire quo nomine debeam eos appellare, à nonnullis uocari Lutheranos. Sunt enim qui hoc nomine cōmendantur, quū nihil minus sint, q̄ Lutherani, factiosi, indocti, stupidi, male uite, obtrectatores, nihil habentes Lutheri, nisi quod maledicunt Pōtifici Romano. Hoc totum Huttenus uult à me confictū esse, ut in Lutheranos pugnum iracūdum stringerem. Atqui quid dicet Huttenus, si hic proferam centum testes, qui doceant eum rumorem huc non semel allatum: quid si proferam epistolas amicorum, qui hoc ad me & ad alios item perscripserunt? Perfricabit frontem, si quid tamen illi frontis est. Quid enim aliud possit? Tametsi solus ego illi rumori nunq̄ credidi, quod tale nihil scriberetur è Brabantia, etiā si non ignorabā quid ille uellet, si licuisset quicquid uolebat. Annectit hic Huttenus

ueterem

PURGATIO ERASMI AD

ueterem fabulam, quod ante annos septem Hochstratus, minatus sit se aggressurum me, si confecisset Capnionem. Nec aliud in mora fuisse, quàm amicorum intuēdo Capnione industriam. Vt hoc uerum sit, quid ad causam præsentē? An mihi persuadere uult Huttenus, quod mihi male uoluerit, ac uelit Hochstratus? Ad id uero opus fuerit longa diuque meditata oratione. An cōtendit rumorem nuper sparsum fuisse uerum? At res docet fuisse uanissimū. Sed crescunt undæ criminum. Epistolis obscurorum uirorum primum applausi, mox metu territus, epistolam Coloniam misi, qua significabam mihi displicere tales libellos. Accipe nunc rem optime lector, & intellige Huttenicum artificium. Nactus eram unam epistolam manu descriptam de conuiuium magistrorum, quæ nihil haberet præter innoxium iocum, & ferebatur Hutteni. Hæc mihi maxime uoluptati fuit, ac toties inter amicos lecta est, ut prope modum hæreret memoriæ. Basileam reuersus, cum mihi perisset scriptum, ex memoria dictaui Beato Rheno, scribens interim amicis Hutteni, ut mihi committerent, quemadmodum erat scripta. Hoc ita factum esse ingenue fateor. Sed quid hic est peccati, si delectatus sum epistola, quæ festiuitatē habebat cū nullius infamia coniunctam? Aliquanto post prodijt libellus excusus habens cōplures epistolas famosas, obscenas ac uirulentas. Legebatur libellus nobis quoq; ridentibus, sed tamen frequens eruditorū sodalitas, quæ tum uersabatur in

EXPOSTULAT. HVT TENI.

batur in ædibus Frobenij, testabitur me tum probasse festiuitatem in multis epistolis, sed damnasse exëplum, uicissim aliunde in alios recursurum. Nec unq̄ aliter probaui eum libellum. Traducebatur illic Reuchlinus hereticus ioco, sed tamen traducebatur. Et arbitror nec ipsum eo libello delectatum. Vbi redissem in Brabantiam, sensi plerosq; confirmare meum esse cõmentum. Equidem non ignorabam autores, nam tres fuisse ferebantur. In neminem deriuauì ullam suspicionem. Tantum epistola missa ad Cæsarium, suspicionem falsam à me depuli. Ea epistola furtim descripta Coloniae, mox excusa est typis. Quid hic est admissum flagitij? Res mihi uere displicebat: falsam suspicionem à me depuli, nemine notato. Successit mox alter libellus similis. Eū mihi Louanij dono oblatum, accipere recusauì. Recusauì & dialogos similes fermè post excusos Coloniae, nec unq̄ legere dignatus sum. Et ideo dānabam hæc, q̄ uiderē nihil aliud his rebus effiā, nisi q̄ bonæ literæ & causa Capnionis uocaretur in odiū, & hostes exacerbarentur magis, q̄ opprimerentur. Quenā fuit hic imbecillitas mea, aut inconstantia? Exijt ante bienniū dialogus, cui titulus, ni fallor, Hochstratus ouās, qui uideri poterat in gratiam meā scriptus. Nōne constanter & palām illum damnaui, ac modis omnibus egi ut premeretur? Hæc à me non fingi sibi conscius est, & qui scripsit dialogum, & qui illi fuit in consilio. Ecce aut aliud crimen atrocius: In epistola quadā scribo Capitonem in literis

PURGATIO ERASMI AD

nē in literis Heb. doctioēr Reuchlino. Deū immortalē,
 quātas hic excitat tragœdias Huttenus, perinde quasi
 hominem ueneno necassem. Cōstat Capnionem princi-
 pem fuisse literaturæ Hebraicæ apud Germanos in-
 staurandæ. An illi dedecorosum fuerit, si quis succedat
 eo doctior? Ego magis gloriosum arbitror. Vtinā sex
 milia succedant, q̄ me omni laudis genere præcurrant,
 etiam superstitem. An læsus est Capnion, si cum illum
 in arce gloriæ collocarim, Capnionem illi præferam, in
 literis dūtaxat Hebraicis? Sed obscurissimū, inquit, ho-
 minem, clarissimo cōparas. Nec tum erat obscurus Ca-
 pito, sed lucubratiunculis suis, nobilis erat apud erudi-
 tos. Et si fuisset obscurior, tanto magis erat candida
 prædicatione in lucē proferendus. Ita tum sensi de Ca-
 pitone, nec sine causa sensi. Quid si iudicio meo subscri-
 bunt etiam nūc, qui callent eas literas? Habes lector im-
 pudentem assumptionem, nūc uide quas causas affin-
 gat tanti criminis. Vrebar gloria Capnionis, quod
 nonnulli mecū illi locū dabant, ut pariter linguas pro-
 uehenti: nonnulli alterū Germaniæ oculū uocitabant.
 Ego qui tanto studio semper faui linguis ac bonis lite-
 ris, ferre non poteram hominem idem agentem, quod
 agebam, præsertim amicū? Porrò quod scribit de altero
 Germaniæ oculo, nō potui fateor absq; risu legere.
 Itā ne mihi studio fuit, excluso Capnione, Germaniam
 luscā reddere? Quis nescit me Capnioni candidissi-
 me simul & cōstantissime fauisse? Ego testimonio om-
 nium qui

EXPOSTVLAT. HVTTENI.

nium quibuscum familiariter uixi, non dubitarim mores meos sic à liuoris morbo asserere, ut à nullo uitio magis absim. Audi nunc alteram afflictionem æque effrontem. Ideo tantum tribuo Capitoni, quod laudarit meum Nouum testamentum, quemadmodum fecit & Berus. Vt diuersissima connectit, imò ideo cito Beri & Capitonis Theologorum de Nouo testamento iudicium, ut Theologorum clamores retunderem, qui nihil uolebant legi nisi ab ipsis probatum. Si legi debet, quod suffragio Theologorum probatum est, hoc opus erat à Theologis non uulgaribus probatū, quod Louanienses Theologi damnabant. Itaque nihil impudentius erat aut intempestiuius ijs, quæ declamat de alienæ gloriæ obtrectatione. Nunc uero ueniendum ad illud crimen, horrendum & atrox: cuius Huttenus negat se unquam mihi gratiam facturum, quum sit alioqui clementissimus. Ipse horret dicere. In epistola quadam ad Episcopum Roffensem Capnionem insimulo perfidiæ. In tam atroci facinore, operæ precium est ipsa epistolæ meæ uerba subscribere. Causa, si uera narrant, hæc fuit. Quum periculum esset ne dux Vuertembergensis Studgardiam reciperet, Reuchlinus ciuibus alijs quot erat autor, ut aliò demigrarent, ipse comes illis futurus. Profugerant illi. Reuchlinus mutato consilio mansit, suæ supellectili consulens. Dein de rursus profligato duce, per quosdam amicos impetra

PURGATIO ERASMI AD

impetratum, ne uictor exercitus, seuiret in domum Reuchlini, sed ciues illi quos fefellerat, reuersi exhibebant seni negocium. Nunc omnia sua eduxit salua, & Ingolestadij, tranquillam agit uitam. Hactenus epistolæ uerba recensui. Nunc rem ut habet paucis accipe lector. Primum quàm amico animo fuerim in Reuchlinum non modo testes sunt meæ lucubrationes, uerum etiam omnes quibuscum familiariter uixi. Ante complures annos, quum Capnion urgeretur à sycophantis suis, scripsit ad me tum agentem in Anglia, ut conciliatis aliquot amicis, innocentie suæ patrocinium susciperem. Hic plus præstiti, quàm rogabat: neq; enim solum illic multos adduxi in amorem illius, uerum etiam Romæ Cardinalibus aliquot illius causam commendauit. Inter eos aut, quos illi conciliaram apud Anglos, præcipuus est R. P. Ioãnes episcopus Roffensis. Is enim penè desperabat in Capnionem, tam magnifice de illo sentiens, ut me præ illo putaret nihil scire, captaritq; occasionem relinquendæ Britannie, ut cum Capnione, uelut oraculo rerum omnium reconditarum possit colloqui. Hunc hominis affectum, ut excitaram, ita semper alui, nihil offensus quod Capnion apud hunc obscuraret opinionem meam, imò gaudens quod talem uirum haberet sibi tam addictum. Consulebat me Roffensis de honorario munere mittendo. Qua quidem in re quàm inuiderim Reuchlino ipse testis optimus esse poterat. De Roffensis igitur fauore frequenter scripsi

EXPOSTULAT. HVTTENI.

scripsi Capnioni, cupiens animum illius aliquo solatio subleuare. Rursum si quid esset de rebus Capnionis, curabam ut sciret episcopus, quod scirem hæc illi fore gratissima. His itaq; literis, quibus est offensus Huttenus, significabam illi, & in quo periculo fuisset Capnion, & in quàm tranquillo statu nũc esset. Tum uti sciret quo mittendum esset, si quid ad illum uellet mittere. Cæterum de perfidiæ crimine illi impingendo, ne somnium quidem est unquam. Neq; enim fallere semper est perfidiæ, sed fallebat etiam ille, qui amici egrotantis ceruicali clàm supposuit aurum. Et fallit amicus, qui inexpectatus obrepit. Quod si uoluisssem illum insimulare perfidiæ, nõ adiecisssem: mutato consilio. Neq; uero statim perfidus est, qui mutat consilium, quandoquidem huc sæpe cogit necessitas, sæpe rationes eiusmodi, ut stulticia sit non mutare. Frustra igitur hic uerbis Tragicis in me detonat Huttenus, quum quod assumit, etiam me non refellente falsissimum sit. Quis autem unquam hunc locum sic interpretatus est, præter unum Huttenum? Quod si quid tale cogitasssem, hoc uidelicet scriberem illi uiro, quo nullum habebat Reuchlinus sui amantiorem? Aedita est epistola Reuchlino uiuo, sed morti, inquit, uicino. Qui potui diuinare quàm diu uicturus esset Reuchlinus? Ego certe ut erat uiuida uegetaq; senectæ, sperabam illum nobis diu superstitem futurum atq; utinam esset. Mortuum apothefi iuuetutis affe-

PURGATIO ERASMI AD

tibus commendavi, & morituro uolui perfidie no-
 tam inurere, nihil ueritus illius expostulatione? Hic
 Huttenus requirit testes, autores, probationes, breui-
 ter omnem strepitum tribunalium. Iure requirat, si
 deferam amicum. Nunc nihil minus. Rei gestae simplex
 & amica narratio est, in quo non sumam multum ope-
 ra, quum ipsa res per se liqueat. Atque hic mihi Hut-
 tenus confictis autoribus conatur suspicionem impin-
 gere, quasi non acceperim hoc ex alijs, sed ex me con-
 fixerim, quo labem aspergerem Reuchlino. Quaeso
 te lector, quid est tam maliciosum aut peruersum, quod
 iste non quauis de causa impingat amico? Atqui quod
 scribo Rossensi, mihi Louanij retulit doctor Ioan-
 nes Salius, quum illic adesset Carolus Caesar. Eum ui-
 rum hoc pluris faciebam, quod benevolentiam non
 uulgarem erga Reuchlinum praese ferebat, & quae-
 dam sua in illum officia commemorabat. Denique quum
 haec epistola cum plerisque ceteris sit excusa Basileae,
 me tum agente in Brabantia, cur non mutata est, si sug-
 gilabat Reuchlinum? Certe ius feceram quibusdam do-
 ctis amicis, ut mutarent quaecumque uellent. Quur ipse
 non mutabas, inquiet? Quia nihil mali suspicabar.
 Quur igitur alijs mandabas? quia melius norant af-
 fectus Germaniae, & ex re praesenti facilius erat il-
 lis iudicare, quam mihi. Quur igitur hic nihil mu-
 tarunt amici? Quia non habebant oculos Hutteni,
 qui

EXPOSTULAT. HUTTENI.

qui animum induxit, nihil nõ calumniari in Erasmo,
 & hinc sibi laudem sperat maximam. Quur scribis,
 inquit, de quo dubitas? Quia potuit etiam ipse Sa-
 lius alicubi falli. Quid autem istud referebat ad fa-
 mam Capnionis, an uerum esset nec ne, quod scribe-
 bam? Porro quia nõ dubitabat admiraturos omnes,
 quur ego sic amato, sic prædicato Reuchlino male
 uellem, affingit causas, inhumanitatem & inui-
 diam. Atqui quur non potius Duumuiro, consiliario
 Cesaris, ac re famaq; florenti inuidebam, quàm
 lapso, iamq; ex Cõsule facto rhetori? Quàm hæc il-
 li dure, parumq; ex arte conficta sunt? Hic mihi re-
 putes uelim candidè lector quid frontis habeat Hut-
 tenus, qui tam indignatur aliquid labis aspergi ami-
 co, quum ipse temere, nihil non criminis confingat
 in amicum. Etenim posteaquam in hac causa ua-
 nissima, digna atque indigna debacchatus esset in
 me, tali transitu pergit ad cætera crimina. Vt uideas,
 inquit, scire nos & intelligere, quàm decreueris om-
 nia peruerse agere, q & benemeritos odiose infecte-
 ris, & quos habes infestissimos, fœda ubiq; adulatio-
 ne palpes. Atq; hic me rursus suo arbitrato loquẽtẽ
 facit, de duabus Academijs Louaniensi & Coloniensi,
 sed sic ut quicumq; legerit, ilico phrasim agnoscat
 Huttenicã, hoc est, tragicã. Hæc porro sũma criminis
 est. Cũ duas illas Academias in colloquijs amicorum

PURGATIO ERASMI AD

magnopere damnarim, nunc in epistolis honorifice de eis loquar. Quid ego audio? An unquam cum ulla Academia mihi bellum fuit? An ideo non est florentissima Academia Louaniensis, quod illic aliquot stolidi pugnent aduersus bonas literas? An non habeo & Colonia multos qui mihi bene uolunt, & qui fauent mellioribus studijs? Quādo unquā probaui malos? Bonos uero cur debeam incesere? Hoc uero nugamentum uide quibus uerbis exaggerat. Tu, inquit, conuersus blandissime illis cōmendas te, laudandōq; Academias illas, penè Athenis præfers, nostrā taxas audaciam, qui illos ibi Platones & Theophrastos incesiuerimus. Quis non uidet hanc grandiloquentiam ad rem minime respōdere? Suspicio Huttenum hic offensum epistola, quam scribo Theologis Louaniensibus, respondens ad quosdam articulos, quos ut hæreticos præter causā odiosissime fuerat insectatus Nicolaus Esmondanus. Illic in titulo uoco illos fratres honorandos, & in alia quadam appello eos patres reuerēdos, & dominos plurimum obseruandos. Sunt etiam inter illos, qui bene uolunt Erasmo, sunt quibus displiceant mores Esmondani, ac Vincentij. Sunt & sanabiles quidam. Primum ridiculum est, criminis loco obijcere titulos solennes, quos ut diximus in medijs bellis, hostis tribuit hosti. Deinde causam meam agō apud illos. Quid hoc ad Huttenum? Quid autem stultius, quā eos cōtumeliose appellare, quibus

EXPOSTULAT. HUTTENI.

bus studeas probari causam tuam? Porro quid iniquius, quam totum ordinem ledere, quum is non mereatur? Sed finge omnes esse inimicos. Certe ciuilitatis ac prudentie est, quam paucissimos ledere. Nam fieri potest, ut ceteri, aut fiant amici, aut mitius sint inimici. Equidem non dissimulabo me cupere pacem si fieri possit, non solum cum Louaniensibus Theologis, uerumetiam cum uniuersis Prædicatoribus. Iam quod uociferatur me post excitatum incendium blandiri hostibus, quodq; in illorum gratiam, nunc hunc, nunc illum ex amicis arripiam, quam sit falsum mox aperiam. Nunc enim crimina persequor. Audi nunc aliud argumentum inconstantie mee, ut putat Huttenus, sed reuera ipsius impudentie. Ait me multum dissensisse à scholis Coloniensi, & Louaniensi, quum sentimento suo damnarent aliquot articulos Lutheri, nunc idem probare, quod prius damnaram, propter ea quod in epistola quadam ad Louanienses Theologos iactem me disputationibus illorum aduersus Lutherum constantissime fauisse. Hic mihi te queso lector animaduerte maliciosum in Hutteno omnia calumniandi studium. Articulos illos nec probaui, nec improbaui unquam. Nolebam enim gratificari quibusdam ansa prebita quam captabant. Prouocatus à me coram rectore Emondanus, ut proferret uel unum articulum quem ego in Luthero uel inter pocula defendissem, quum nihil haberet quod diceret, protu-

PURGATIO ERASMI AD

lit locum ex epistola ad Card. Moguntinum, de confessione. Illic aio Emondanum publice damnasse, quod non intellexerat. Atqui hoc non est defendere, quod scripsit Lutherus, sed illius impudentiam prodere, qui non intellecta re uociferatus sit apud populum. At post fauce illorum disputatiōibus. Quid hoc ad sentimentum? Nec enim illic disputant, sed pronūciant: nec docent, sed damnant. Seditiosas illas uociferationes apud populum, in quibus multa palam mentiebantur, semper improbaui, & hortatus sum eos ut illis omissis, argumentis reuincerent Lutherum, & si ille erraret, docerent meliora. Id postea fieri cæptum est ab illis satis moderate. Hoc à me probatum est. Quod in illis disputationibus assumunt, à me nec probatum est, nec improbatum. Hoc tantum probaui, quod omissis clamoribus furiosis, disputarent ac docerent. Id Huttenus sic interpretatur, quasi quicquid in disputando illi definierunt aduersus Lutherum, approbarim. Et prius falsum assumpserat me magnopere probasse, quicquid illi in suis censuris damnarant. Eamus nunc ac negemus Hutteno esse ingenium ad deprauandum benedicta. Simile quiddam adfert de ordine Predicatorum, in quem quum prius fuerim hostili animo, nunc persuadere coner, nunquam me male uoluisse illi sodalitie. Nunquā sic insaniui ut ulli ordini male uoluerim, id quod ubiq;

EXPOSTVLAT. HVT TENI.

ubiq; testificor , uerbis , & re præsto. Si ideo fas est
 odisse omnes Prædicatores, quod is ordo multos ha-
 beat malos, omnes ordines oportet odisse, quum nuli-
 lus sit qui non habeat complures malos. Deniq; Chri-
 stianos omnes oportebit odisse, quod plures sint in-
 ter hos mali quàm boni. Nihil est igitur hic incon-
 stantiæ, sed quod perpetuo sensi, id scriptis ac factis
 declaro. Vtrum autem est humanius, ordinem totum
 odisse propter malos admixtos, an ordini fauere pro-
 pter bonos admixtos? Habet ordo Prædicatorum ali-
 quot, qui & Erasmo bene uelint, ac bonis literis si-
 mul & Euangelico negotio faueant. Nisi omnibus
 amicis semper autor fui, ne læderent ordinem ul-
 lum, ne gentem ullam, euincet Huttenus me in to-
 tum Prædicatorium ordinem hostili fuisse animo.
 Similem inconstantiam obijcit erga curiam Roma-
 nam, de qua quum ante tam atrociter loquutus sim,
 quàm me Huttenus inimice loquẽtem facere potuit,
 nunc miris laudibus illam efferam. Nunc, inquit, san-
 cta est illa & catholica ecclesia, ubi cãdore lilia uin-
 cunt homines, ubi quicquid improbissimus quisq;
 Curtisanus loquitur rosa est. Hæc quid aliud decla-
 rant, q̃ insignem impudentiã Hutteni. Vitia Roma-
 nensium quis unq̃ probauit? Ecclesiã aut q̃ dãnate?
 Opinor & illic esse, qui bene sentiant de Christo.
 Quis unq̃ dixit rosam esse, qd' improbissimus qsq;

PURGATIO ERASMI AD

Curtisanus loquatur? An nō hæc sunt hominis intemperanter abutentis calamo, neq; quicquam habentis pensi, quid in quem scribat? Sed quoniam hoc crimē in suum locum differre mauult, nos quoq; suo loco respondebimus. Interim ad Aleandrum, de quo notat inconstantiam meam, quod quum prius inimica de illo prædicarim, post honorifice meminero illius in literis. Hic primum illud constat, me nunquā de Aleandro colloquutum cū Hutteno. Nam Romæ adhuc erat ille, quum in Brabantia proxime colloqueremur ego & Huttenus. Neq; quisquam tum suspicabatur eum uenturum aduersus Lutherum. Itaq; quicquid hic commemorat, è rumoribus cōmemorat, quibus quantum sit tribuendum quisquis sapit, intelligit. Fatebor tamen id quod res est. Olim cum Aleandro Venetiæ fuit mihi non solum amicitia, uerumetiam familiaritas. Admirabar eruditionem hominis, & amabam ingenium. Auxit hunc animum, quod apud Gallos Græcæ literas gnauiter prouexisset. Deinde ubi iam definitus esset à Leone, ut apud nos Lutherum oppugnaret, conceperat in me adhuc Romæ agens, nescio quid stomachi, ut ex illius ad Leodiensem episcopū literis intellexi. In causa fuerat epistola, quam omnium primam scripseram Luthero, ab ipso prouocatus. Vbi uenit, priusquam adiret Brabantiam occupatus est à lingua quadam omnium pestilentissima, que illum totum impleuit uenenis. Neq; id non diuinaram

EXPOSTVLAT HVTTENI.

naram futurum. Itaq; primum uisus est Aleander fugitare colloquium meū, nescio quid suspicans de me. Tandem & uoces quædam Louanij spargebatur illius de me parū amicæ. Nihil dū tamen erat atrox. Vbi rursus uentum est in eam urbem ubi uenenum hauserat. Nam illac Cæsar profectus est Coloniam, iam iritato rursus addidit illa aspis ueneni nōnihil. Itaq; Coloniae passim mihi referebant illum apud magnates, & in celebribus conuiujs inimicissime loqui de me, nec interim cognoscere potui ubi diuersaretur. Tandem peruestigato diuersorio, misi ad illum famulum, qui nunciaret me cupere colloqui cum eo. Ille lætus & alacer inuitat ad prandium. Excuso de prandio, sed à prandio uenio ad colloquium. Ille uenientem summa cum humanitate accepit: Colloquuti sumus horis aliquot. Expostulamus mutuo. Nam & illi nunciatum erat, me uoces quasdam inimicas in illum sparsisse. Nec id omnino uanum erat. Quæstus enim eram apud multos illum aduersus Lutherū missum, sic debacchari in me, quasi Lutheri negociū ad me pertineret. Post mutuam expostulationem, discessum est cum osculo ueteris amicitie simbolo. Rursus in concilio Vuormaciensi, quum mihi scriberent quidam ex aulicis illū dira in me moliri, misso proprio tabellione per literas satis liberas expostulaui cum eo, eadēq; de re scripsi episcopo Leodiensi illius patrono. Aleander se purgauit mihi per literas. Vbi di-

PURGATIO ERASMI AD

misso concilio reuersus est Bruxellam, adij hominem,
 colloqui sumus horas ferme quinque. Ibi, ut est aper-
 ti animi liberaeque linguae, effudit in me ferme, quae
 nunc obijcit Huttenus: me iactasse illum esse natum
 Iudaeum, me illi molitum fuisse exitium. Et quid non?
 Ita candidi illi ac fortes amici Germani, totam inui-
 diam in me deuoluerant. Primum illud dicam nec ami-
 citiam, nec inimicitiam quae mihi fuit cum Aleandro
 quicquam attinere ad causam Lutheri. Erat amicus
 antequam auditum esset Lutheri nomen. Nec ob Lu-
 therum illi factus sum inimicus, sed quod me sine cau-
 sa perstringeret, ut aiebant, ac odioso negotio inuol-
 ueret. Quod si per linguas uiruletas licuisset cum Ale-
 andro perpetuam habere amicitiam, fortasse minus
 odiose gestum fuisset Lutheri negocium, nec in tot ur-
 bibus renouatus fuisset fumus & incendium, quae res
 nihil aliud quam iritabat animos hominum. Qui pri-
 us irascebar molienti perniciem, cur non fierem ami-
 cus iam mutato studio periculum depellenti? Nam id
 ipse mihi deierat Bruxellae, & post in Germaniam
 reuersus cognoui non esse uanum, ex his qui negotio
 interfuerunt. Quid autem flagitij, si Alexander in li-
 bris meis praedicetur trilinguis eruditionis antistes?
 Hanc laudem illi palam tribuebam, etiam tum, quae
 maxime ferueret inter nos simultas. Et quum quidam
 linguae Latinae principatum mihi tribuerent, etiam
 hanc laudem inimico cessi inimicus. Plenius illum lau-
 dauit

EXPOSTULAT. HUTTENI.

dauit Huttenus, in epistola, qua iugulat illū, scribēs
 se dolere esse in eo, quod illi inuideatur. Quid spe-
 ciosius hac laude ab hoste data, esse in Aleandro do-
 ctrinam inuidia dignam? Ego certe moderatius il-
 lum laudaui. Atque hoc Hutteni de se præconium
 Aleander apud me iactauit. Dicam ingenue, quod
 sentio, ut pessime meritus est de me scelerosus ille,
 qui Aleandrum in me iritauit, ita lubens talis ami-
 ci possessionem recuperarim si liceat, ne tantulum
 quidem ab illo uenans commodi. Hoc quum nihil
 ad Lutheri negocium pertineat, quid est quod que-
 ritur Huttenus? Per me licet illi odise Aleandrum,
 quantum uolet. Porro quæ scribit Huttenus, ille te
 amat unice, illum tu dilectū habes, cum illo suauiter
 uiuis, & in mediam quandoq; noctem producis li-
 teratas fabulas, etiam conuenit inter uos, ut Romam
 eatis unā, ipsius commentum est, non mea uox. Ete-
 nim quæ in epistola ad Laurinum cōmemoro de con-
 suetudine cum Aleandro, omnia in hoc producun-
 tur, nō ut psuadeā magnā mihi cū illo esse amicitia,
 sed ut aduersus eos, q̄ meā profectiōē fugā esse iac-
 tabāt, docerē me palām, & omnibus cōscijs abisse.
 Iam finge id qd̄ nō est, me Aleandro male uolēti, ma-
 le uelle, sed simulasse amicitiam, quo minus lederet,
 utq; hac specie Theologos quōsdam omnia molien-
 tes compefcerem, an mihi indignabitur Huttenus
 si uasfricie nulli noxia, meæ saluti consulam? Erat
 Louanij

PURGATIO ERASMI AD

Louanij furiosus quidā Prædicator mira cōmemoraturus de me à prandio, id enim promiserat in concione matutina. Aleander à me submonitus, misso nuncio imposuit homini silentium, alioqui improbissimo rabule. Quis non prudentiam appellet potius, etiam inimicis abuti ad rē tuam? Quin Theologis quibusdam multum subsedit animorum ex illa nostra tam arcta familiaritate paucorum dierum. Atqui in omnibus colloquijs, adeo nihil dictū est aduersus Huttenū ut illius uenam & ingenium magnifice prædicarim apud Caracciolam & Aleandrum indignantē utrūq; idq; post concilium Vuormaciense, quum res Hutteni satis erant exulceratæ. Postremo utrum est propius humanitati, honorifice scribere de inimicis, quomitigemus illorum odium, an tam uirulētos & plusquam hostiles libellos scribere, qualem Huttenus scripsit in amicum, & beneuolentem & benemeritum & bene mereri cupientem? Nondum finis criminum, sed in epistola ad Laurinum commemoro, rumorem hic fuisse sparsum, Romanum pontificem nescio quid libelli scripsisse in me. Id Huttenus non ueretur deicere à me confictum, quo Lutheranos grauarem inuidia. Quæso quid est tam perditæ leuitatis, quod iste non statim impingat amico? Atqui quum hic plures sint uiri boni, qui sciunt rumorem uere sparsum fuisse, quum habeam à doctis amicis epistolas ex Augusta & Constantia, quibus hoc ut rem compertam scribunt,

EXPOSTULAT. HUTTENI.

bunt, hunc pontificem Romæ palàm damnasse libros meos, quumq; illi habeant epistolas meas testantes me id nequaquam credere, quid superest, nisi ut omnes intelligant Hutteno esse parum frontis. Sed ausus sum hunc laudare pontificem, qui male mihi quòdam uoluerit, quiq; nihil adhuc egerit, unde laudari mereatur. An uerum sit quod scribit Huttenus nescio. Certe nihil unquam tale perlatum est ad me, nec ego quicquam tale de illo suspicatus sum. Fuit olim mihi cum illo Louanij ciuilis amicitia, & ut ipse scribit societas studiorum. Nec unquam sensi animum illius in me parum amicum. Quid autem de illo prædico, nisi bonam spem, quã illius senectus, perpetua integritas, & eruditio nobis porrigunt? Istud hortari magis est, quã laudare. Præterita laudo, de quibus sementiarum refelli possim. De futuris bene oimor. Proinde quis non uideat quàm non apposite adhibitus sit iocus insulsus Hutteno, ista facies ó Timon. Et tamen nihil addubito, quin Huttenus hic sibi uideatur mire festiuus. Sed ante pronunciaueram minime bonũ futurum. Quum nunquam sim Hutteno de hoc pontifice loquutus. Impudenter facit, qui hoc ex aliquo composito auditũ mihi apud orbis tribunal crimini obijciat. Dixi me uereri, ne parum æquus esset Luthero, de cæteris nunquã pronunciaui, quanquam ostenderet argumenta animi cupientis etiam Romanam curiam ad meliorem frugem reuocare. Porro quod ait
 agitatum

PURGATIO ERASMI AD

agitatum de me ut pro heretico arriperer, credo iam
 etatum & optatum à quibusdam furiosis monachis.
 Inter principes nunquam hoc est actum. Habebam
 & in Hispania amicos, huic qui nunc est pontifex
 proximos: habebam & Romæ uiuo Leone, multum
 dissimiles Hutteno: habebam in aula Cesaris magnos,
 de quibus nec suspicabar quàm essent amici. Ex ho-
 rum literis melius cognoui quid ageretur, quàm
 Huttenus, qui latitans tantum hoc sciebat, quod ali-
 quis clancularius susurro deferebat. Habeo apud
 me articulos ad Cesarem delatos, quos Glapion sua
 manu notauit. Nulla illic heresis mentio, neq; quic-
 quam quod ad heresim pertineat. Habeo literas can-
 cellarij Gattinarij, quæ testantur fuisse suspicionem
 de quibusdam libellis qui ob stili uenustatem uider-
 rentur esse mei, in quibus tamen nihil esset hereti-
 cum, aut tale qualia scriberet Lutherus. Sed Ioan-
 nem Glapionem recenseo in eadem epistola, citra
 contumeliam. Nihil enim laudis in illum confero.
 Hic Huttenus proferens δεινωσις suam: Quid,
 inquit Glapion? quanta & ipse tuba abs te canitur?
 Quum hæc mea de illo sint uerba: Ad hæc R. P. Ios-
 annis Glapionis, qui Cesari erat à concionibus. Hæc
 est tuba, qua uirum illum decanto. Sed impudentius
 est, quod addit. Atqui solebas execrari hominis ma-
 liciam. De Glapione nunquam uerbum, neque dixi,
 neq;

EXPOSTVLAT. HVTTENI.

neq; scripsi Hutteno, sed & hoc mendacium aliquis
 compotor illi detulit. Et ex huiusmodi nenijs conte-
 xuit talem calumniam in amicum. Atq; hic etiam me
 de Glapione loquentem facit, quæ mihi ne per som-
 nium quidem unquam uenerunt in mentem. Glapio-
 nem semel duntaxat tribus uerbis salutauit, sorte oby-
 uium, idq; Bruxellæ post Vuormaciense concilium.
 Cætera literis acta sunt inter nos. Quid ille molitus
 sit, aut peregerit in Lutherum nescio. Certe quicquid
 huius fecit, non meo fecit impulsu. Ego ut ingenue di-
 cam, quemadmodum nunquam ausus sum homini to-
 to pectore fidere, ita nunquam gessi in illum inimicū
 animum. Mihi certe non semel strenuum amicū præ-
 buit apud Cæsarem, quod satis habeo compertū. Iam
 uero festiuū est, quod homo perspicax ac Lynceus ex
 uno colloquio nobis sic depingit Glapionē, quasi mo-
 dios aliquot salis cum illo ederet. Equidē quantū inge-
 nium hominis ex prudentū narratione, eq; ipsius ad
 me literis conijcere potui, Huttenus si decem annis ui-
 xisset cum Glapione, nondum pernouisset illius in-
 genium. Non potui uero sine risu legere, quod quum
 Glapioni miram uasfriciem affinxisset, me facit il-
 li simillimum. Imò non tam dissimilis Camelus uul-
 pi, quàm Erasmus dissimilis Glapion, si modo ta-
 lis erat, qualem nobis depingit Huttenus. Sed de
 meis moribus erit alibi dicendi locus. Male ha-
 bet & illud Huttenum, quod in quadam epistola
 per

PURGATIO ERASMI AD

per occasionem infero Syluestrum Prieratem huma-
 niter & amanter ad me scripsisse, quum tamen illum
 ne titulo quidem honorifico digner. Tantum aio Syl-
 uester ille Prieras. Illius ad me literas dico humanis-
 sime scriptas. O miram adulationem. Sed ista scribis
 inquit, in inuidiã Lutheri, imò in hoc scripsi, ut ostē-
 derem esse causam, cur de Roma adeunda cogitarē.
 Quod si tantopere cuperem mouere inuidiam Luthe-
 ro, liceret hoc alijs rationibus efficere. Certe Prieras
 tem semper contēpsit Lutherus. Iã in Catalogo Ma-
 rinum Caracciolam uoco R. P. nuncium apud Cesa-
 rem apostolicum, nihil aliud de illo Prædicans, nisi
 quod is præter ceteros hortatus esset me, ut scriberē
 aduersus Lutherum. At Huttenus uocat hunc malū
 hominem. Quid hoc mea, si malus est? Ego non præ-
 dicaui bonū. Et tamen mihi bonus & commodus ami-
 cus erat, donec hæc tragœdia uiciarit omnes amicitias.
 Iam male habet & illud, quod Eccium alicubi no-
 mino, citra contumeliam opinor, & affingit meum
 de illo testimonium uetus, quale commodum est ipsi,
 non quale à me proditū est. Sed intolerabilius, quod
 in epistolis laudatur Ioannes Faber ordinis Prædica-
 torij. Is qualis nūc sit nescio. Certe mihi Louanij per-
 suasit, quod institueret Augustæ collegium tradēdis
 linguis, ac bonis literis. Ostēdit diploma Cesaris Ma-
 ximiliani. De capitalibus quibusdam inimicis Luthe-
 ri, atq; de ipsa Romana curia, plusquam hostiliter lo-
 quebatur.

EXPOSTULAT. HVTTENI.

quebatur. Arridebat morum commoditas, & in sua Theologia uidebatur non uulgariter eruditus. His rebus extorsit à me cōmendationes aliquot. Quin & Colonia, cum illic esset Caesar, colebat nos, & de Luthero reliquit æquissimū iudiciū, sua manu descriptū, tū apud Card. Moguntinū, tum apud me. Quid hic aliud criminari potest Huttenus in me, nisi simplicitatē & candorē animi? Si talis est nūc, qualem ille prædicat, ego tantam uafriacē de homine Germano suspicari non potui. Nec meum erat præstare, qualis ille post futurus esset, non magis profecto, quàm efficere potui, ne Huttenus mihi sic laudatus antehac, & laudatus ex animo talis eua deret, qualē se declarat in hoc libello, qui nulli bono nō displicet. Cæterū cum Ioanne Fabro Canonico Cōstantiensi mihi intercessit amiātia, priusq̃ Lutherū nosset orbis. Quod si uelim omnibus renunciare amicitiam, qui aduersantur Luthero, uix ullum mihi reliquum facerem eorum, quibus ego debeo omnia. Scripsit ille librum in Lutherum. At non scripsit me impulsore. Verum aliquando dixi librum illum omnibus merdis per cacandum. Qui hoc detulit Hutteno, ipse nimirum est omnibus merdis per cacandus. Nam ea uox nec audita mihi est ex quoquam, nec mihi unq̃ uel in somnis uenit in mentem. Constantiæ præfationem duntaxat legi, laudauī scriptionis modestiam. Vnū locū legi, nō perlegi, in quo refellit, quod Lutherus scripserat, nūc deum Romæ decretum esse, animas esse immortales, is

d mihi non

PURGATIO ERASMI AD

mibi non displicuit. Nō sum tam impudens, ut pronun-
 ciam de libro quem nō perlegerim, & tamen nō statim
 probat Lutherū, cui non placet liber aduersus illū scri-
 ptus. Lodouicum Berū, & candidū amicū & fidū pa-
 tronū habui, prius q̄ in orbe notus esset Lutherus. Et
 hunc calculum inter felicitates meas numero. Est enim
 multis eximijs nominibus præcipuum huius urbis or-
 namentum, sic assertor suæ Theologiæ, ut tamē æquus
 sit bonis literis, & quietis studio, minime insensus ne-
 gocio euangelij restituendi, tametsi totū Lutherum ne-
 quaq̄ approbat. Quod si Hutteno decretū est, indigna-
 ri omnibus, qui male sentiunt de Luthero, quare solum
 hunc perstrinxit, quum hic sint innumeri? Quanquam
 Berus is est qui nec benedicta Lutheri deprauet, quem
 admodū faciunt multi, nec stolide uociferetur in quem-
 quam. Certe nihil minus est quàm Curtisanus. Et hu-
 ius uiri nomen Huttenus tam illoto sermone tanta per-
 stringit acerbitate, quasi patrem ipsius necasset, cū ille
 nunq̄ uerbo leserit Hutteri, uel rem, uel nomē, uel amī-
 cum. Huic adiungit Ioannē Gebuilerium, qualis qualis
 est, quiduis potius, q̄ Curtisanū, q̄ cū mihi usq; adeo ni-
 hil est familiaritatis, ut nec ille unq̄ uiserit ædes meas,
 & ego illius ne nouerim quidem, neuterq; alteri, uel in-
 uia sit unq̄ locutus. Et tamē ita scribit Hutt. male edo-
 ctus à suo suggestore: Atq; hos habes domi tuæ, cū me
 excludis, & quotidianis confabulationibus dignaris.
 De Gebuilerio dixi quæ mihi sit cū eo familiaritas. Be-
 rus amicus

EXPOSTVLAT. HVT TENI.

rus amicus, ac uicinus etiam, nonnunquam uix intra duos menses me semel inuifit. O quotidianas cōfabulationes. Sed quid imputes Hutteno? Sic illi detulerat choragus huius fabulæ. Quid cogitabūt hæc legentes, qui rem nouerunt? Sed Latomum, Ecmondanum, Atensem olim uituperatos, nunc partim ambigue, partim oblique tracto in epistolis. Quum esset inter nos foedus aduersus hostes linguarum & bonarum literarum, fateor me nonnunquam questū per epistolas apud amicos de quorundam pertinaci conspiratione aduersus meliora studia. Et ita cum illis bellum gessi, ut semper essem propensus ad pacem, si contigisset. Itaque à Latomo semper temperaui, sperans fore ut desineret. Ecmondano nunquam blanditus sum. Atensis uir erat, nec inhumanus, nec iniquus bonis literis, sed ingenio iritabili. Itaque per quosdam monachos ac Theologos protrusus est ut ageret odiosam fabulam. Et qui huc adegerunt hominem, eadem opera adegerunt in mortem. Erat enim imbecilli ualitudine, & iræ impatiens, iniuriæ insolens. Ac post huius mortē maxime cœpit ea tragœdia incrudescere, ut intelligas illum multa moderatū. Porro quod de eo scripsi, illū ab omnibus esse laudatissimū, nec unq̄ tamē satis laudatū, hoc etiā ipsi Theologi Louanienses cū risu legerūt. Laudabatur enim quotidie solēnibus Encomijs in schola, tanquam uicecācellarius eius Academiæ. Mihi certe quod

PURGATIO ERASMI AD

ad ipsius naturam attinebat, nō erat iniquus, qui solus omnium autor fuit, pacis cum Theologis sarcinē. Doctrina iudicioq; longo interuallo superabat omnes. Mihi, moriturus etiam denunciabat pacem & amicitiam, quod ad ipsum attineret. Deniq; ueretur Huttenus, ne cum Leo quoq; in gratiam redeam. Nec id grauarer facere, dicam enim ingenue, si ille declararet animum amicitia dignum. Salutauī hominem Caletij fortē obuium, & dextram dextrae iunxi. Quid ni, cum iam inter nos debellatum esset? Ceterum aduersus Leum nihil attulerūt momenti auxilia Germanica. Cum scriberent amici Germani, uel inuito me, Germanos dilaceraturos Leum, primum dissuasi, id si nō possem obtinere, admonui, ut argumentis agerēt potius, quā conuitijs, cum primis aut temperarent ab iniuria gentis, quod tamen factum non est me uehementer improbante. Dialogum aduersus Leum scriptum, constanter ac perpetuo damnauī. Post ingentem epistolarum fasciculum à diuersis eruditissimis satis hostiliter scriptum in Leum adeo pressi, ut duobus tantum amicis fecerim inspiciendi copiam, Dorpio & Moro, & quibusdam hortantibus ut euulgarem, respōdi mihi decretum esse quiescere in posterum, si conquiesceret Leus. Habes lector omnia, quibus animus Hutteni poterat exulcerari. Atq; in his uides q̄ nihil sit quod uulgarem etiam amicitiam deberet dirimere. Venio nunc ad illud, quod ille uult esse totius causae caput. In quo tamen non
expedit

EXPOSTVLAT. HUTTENI.

expedit nimium probari Hutteno, ne dum Scyllam fugio, deferar in Charybdim. Id ita proponit, ut statim coniungat duo palam falsissima, me pridem fuisse factionis Lutheranae, nunc totis uiribus oppugnare rem Euangelicam, quum perpetuo sim auersatus illam factionem, nec unquam desierim quanta possum syncretitate prouehere rem Euangelicam. Sic autem assumit, magnificis quidem uerbis, sed parum pudenter: Quid, inquit, tandem esse possit, quur tu qui Romanum Pontificem nuper in ordinem redigebas nobiscum, ipsam Romam scelerum ac improbitatis sentinam uindice calamo increpabas, bullas ac indulgentias detestaberis, ceremonias damnabas, Curtisanicam exigebas, ius Canonicum & Pontificum scita execraberis: In summa, uniuersam illius status hypocrisim seuerissime profligabas, is nunc retro actus, contraria sequaris, & cum hostili parte societatem ineas?

Rursum alibi: Qui sepultam pietatem refodiebas, Euangelium e latebris in lucem reducebas, fidem & religionem instaurabas, is nunc ad eandem conculcandum, eijciendum, prosternendum, & interimendum operam profiteris. Eamus nunc & dicamus, huic criminatori esse aliquid frontis. Hunc in modum cause summam proponit Huttenus, & quod semel assumpsit, subinde uerbis alijs atque alijs inculcat & exaggerat, quasi quod per se uanum est, sepius asseuerando fiat uerum. Atque hic expedit omnem orationis copiam, omnem

PURGATIO ERASMI AD

uim ac uehementiam. Vbi fundamentū totius dictionis inane est ac friuolū, quo magis oratione tumultueris, hoc magis perdis aquam & operā. Neq; enim hic licet, in causa seria, quod in fictis etiā cōtrouersijs fieri solitum, reprehendit Quintilianus, ut quis suo arbitratu fingat, cui respōdeat. Mire se torquet dum expendit, quibus causis ab instituto tam sancto, ad rē sceleratissimam transferri potuerim. At in hoc erat illi laborandum, ut doceret esse uerum quod assumit. Ibi uehemens orator nihil habet quod dicat, nisi, quidam mihi narrarunt. Grauius & atrociter exclamat in eū, qui desertā & prodita causa Euangelica trāsferit ad partem diuersam, qui pecunia corruptus, bonos uiros, ueritatem Euāgelicam, libertatem publicam, summis uiribus oppugnare cœperit. Atqui hoc quod assumit, aut cōuenire debuit inter nos, aut idoneis argumentis erat probandū, prius q̄ ueniret ad illos suos affectus tragicos. Tot epistolis, tot libellis, tot testificationibus perpetuo clamo, me neutri factioni uelle inuolui. Quis id statuissem multas reddo causas, & tamen non omnes prodidi. Atq; hac in re nihil me accusat mea cōscientia, apud iudicem Christū. In tantis rerum tumultibus, in tantis etiam periculis, & famæ, & uitæ, ita moderatus sum mea consilia, ut nec tumultus autor essem, nec causam quæ mihi nō probabatur adiuuarem, nec Euangelicam ueritatem alicubi proderem. Si hoc indignatur Huttenus, quod nō profitear unā cum ipso Lutherum,

iam ante

EXPOSTVLAT. HVTTENI:

iam ante triennium id testatus sum in Coronide addita colloquijs familiaribus Louanij, me ab ea factione alienissimum, & esse, & semper futurum. Nec ipse solum absum, uerum amicos quoscunq; potui, ut eadem facerent, pro mea uirili sum adhortatus, & adhuc adhortor, nec id facere desinam. Factionem appello studiū illud animi, uelut in omnia quæ Lutherus scripsit, scribit, aut scripturus est iurati. Atq; hic affectus sæpenumero bonis etiam uiris imponit. Quin & palàm omnibus amicis denūciaui, ut si me nō possent amare, nisi Lutheranū, sumāt in me quęcunq; uelint affectū. Amolibertatem. Nulli factioni seruire nec uolo, nec possum. Amicorū causa non erant, inquit, deserendæ Lutheri partes, quorum aliquot iactat etiam de me bene meritos, qui tam non possint auelli à Lutherō, quàm ab ipsa ueritate. Quos amicos narret nescio, ego uideo multos antehac Lutherō deditissimos, nūc partim misere, partim tædere Lutherani nominis, partim dānare quod prius approbabant. Si quisq; amicus tantum apud me ualuit unquam, ut in ipsius gratiam me addicerem Lutherane factioni, eidem hoc largiar, ne ab illius factione desciscam. Si me quisq; uidit tam potū, ut totū Lutherum probarim, patiar ut me uocet rhipsa/spidem, pro Erasmo. Quid aut mirū, si ego recusem nomen Lutherani, cū hic neminē uideam, qui sustineat dici Lutheranus? Nā quod Huttenus agre admittit hęc appellationē mirū uideri non debet, cū nec ipse Luthe

PURGATIO ERASMI AD

rus agnoscat eum, ac patrocinium etiam auersetur. Et nisi me planè fallit animi coniectura, mallet Erasmus aduersarium, quàm Huttenum propugnatorem. Sed illius res fortasse sic habent, ut illi bono sit Lutherani uocabulum, utpote, quod ipsum nunc solum & tueatur & alat. Nihil unquam damnaui Lutheri odio, quod rectè dictum esset: nec unquam approbabo illius amore, quod mihi secus dictum uidetur. Si fuisssem illi iuratus, aut illius sodalibus, tamen laudatur is, qui resipiscit. Nunc me dehortante res hæc cœpta est. Norunt hoc impense Lutherani quondam, nunc quales sint nescio. Quid in Luthero metuerim, declarat illa prima epistola, quam ad illum scripsi. Desidero in Lutheri scriptis modestiam & mansuetudinem Euangelicam, noto peruicaciam asseuerandi. Eadem quo magis in eo desiderem, faciunt illius libelli, qui prodeunt indies atrociores, etiam in summos principes, quos quales quales sunt, non expediebat irritari. Et inter amicos dolens aliquoties dixi me dubitare de spiritu illius, nec unquam tamen certò pronūciaui. Hoc tantum hætenus iudicaui de Luthero, & in eo constantissimus fui, scriptis, dictis, clàm, palàmque eadem testificans. Vbi est igitur ista mirabilis inconstantia mea? Vereor ne istos magis offendat mea constantia. Sed omnibus rebus omissis, totus seror in Lutherum. Istiuc Huttenus audiuit ex compotore quopiam. Verum uel ex Achate illo suo Eppendorpio discere potuit me
tum nihil

EXPOSTULAT. HUTTENI.

tum nihil minus agere, quàm hoc quod obijcit. Iam tunc aggressus eram paraphrasim in Lucam, in qua totus eram, quum hanc tragœdiam exordiretur Huttenus, propugnator Euangelici negocij. Caterum in Catalogo promitto tres dialogos aduersus Lutherum. Proferat mihi hoc uerbum ex scriptis meis, aduersus Lutherum? Aio de Lutherano negocio, collationem appello uerius quàm disputationem. Et eos aio conceptos magis quàm inceptos, nec admodum in animo esse perficere. Quod si perfecero, nõ prodituros nisi autoribus his, quorũ intererit. Et interim moneo lectorem, ne ex hac pollicitatione faciat præiudicium. Primum igitur non promisi hos dialogos, & si promisi, non promisi populo, sed Pontifici & Cesari, ut horum arbitrio uel premantur, uel adantur. Et in his tamen promitto summam erga Lutherum æquitatem. Qui scit igitur Huttenus, an his dialogis subleuandus sit Lutherus, an affligendus? Nam utrunque fieri potest, quum illic adfuturus sit, qui Lutheri partes agat. Iam audio quosdam dicentes: Interea suspendis hominum animos, qui non pronuncies quid sentias de Luthero. Primum nec uacat intendere his quæ multa scribit Lutherus, & si uacaret de toto negocio pronũciare, longe supra uires meas est. Quid aut pronunciem? Si totũ Lutherũ damnem, uideo cui parti addã animos, & quantũ bonorum obruam. Si totũ probem, primũ fecero arrogãter, qui probem, quæ forte nõ intelligo. Deinde cõiecero me in

PURGATIO ERASMI AD

factionē, quæ plurimos habet, cū quibus mihi nihil uelim esse cōmercij. Qui Lutherū oderūt, etiā me tacēte oderūt, quæ fauēt, nō ideo flagitāt meā sententiā, ut equū audiāt, sed ut habeāt suæ sententiæ ppugnatorē. Si diuise ro sententiā, utriq; parti quædā tribuēs, quædā adimēs, utrinq; me dilacerādū præbuero, nec aliud, q̄ nouos excitaro tumultus. Itaq; mihi cōsultus uisus est hic cōq̄sere, donec principes & eruditi, studijs omissis, expetāt ea cōsilia, quæ sine tumultu p̄spiciāt euāgelicæ ueritati & gloriæ Christi. Bellū uero est, quod dū studet uideri festiuus, ait mihi ceu Caiphæ uerū exadisse dictū, Lutheranā doctrinā totā opprimi nō posse, nisi simul corruat bona pars euāgelicæ sinceritatis ac publicæ libertatis, quasi nō idē semp̄ cōstātissime tū dictis, tū scriptis sim testatus. Et hoc me discruciat, istos sic causā agere, quasi seruari nolint, tãetsi si quid recte docet Lutherus, nō est Lutheri, sed Christi. Iā fingat me scribere cōtra Lutherū, an eius rei ius nō erit ei, quæ cū Luthero nunquā habuerit fœdus, et quo dehortāte rē et cœpit, et hucusq; p̄uexit? Fingat me initio fuisse Luthero fautorē, an ideo erūt mihi probāda oīa quæ scribit, quia placuerūt exordia? Quid si Lutherus posthac scribat aduersus articulos fidei? An Huttenus uetabit aduersus eū scribere? Cur autē Huttenus usq; adeo feroat aduersus eos, quæ scribūt aduersus Lutherū, cū nihil interit inter disputantē & scribentē? Lutherus ad disputationē etiā puocat. Si doctrina illius sincera est, p̄ cōtradictionē, uelut aurū igne purgatū, magis elucescet. Sin falsa est, recte ipu gnatur ab oībus. Sin quædā habet falsa ueris admixta

30

EXPOSTVLAT. HVTTENI.

repurgatur. An p̄tinus subuertero totū euāgeliū, si cū
 Luthero disputē, an qlibet Christianus sit sacerdos, an
 oīa sāctorū opa sint peccata? Luther⁹ ipse nō formidat
 meū, imō nec cuiusq̄ assultū, sed forti animo expectat
 Erasmi si p̄deat. Quid igitur tumultuatur Hut. suspe
 ctā interim reddēs Lutheri doctrinā, quā ita demū cre
 dat fore stabilē, si nemo labefactet? Hęc loquor, nō q̄
 mihi sit anim⁹ cōgredi cū Luthero, si liceat cōq̄escere,
 Sed ut Hutteni calūnijs respōdeā: Ego Vertūnū, Proteū
 ac Polypū egi, memet in oīa uertēs, nihil nō et faciēs,
 & patiēs, ne p̄traherer in hęc harenā gladiatorīā. In
 aulā p̄trahētibus, manib⁹ ac pedibus excusauī me. Intē
 tata ex altera parte pericula, partim declinaui, partim
 ppulsauī, partim dissimulaui. Cæsari me subduxi, fortu
 nas oblatas cōstātē recusauī. Tot monarchis, tot prinā
 pibus, tot amicis huc uocantib⁹ excusauī me. Sed qui te
 incitāt, inq̄t, aduersus Lutherū, aut potētissimi sūt, aut
 pessimi, aut utrūq̄. Tāto magis Hut. debebat admira
 ri cōstatiā meā. Qui potētissimi sūt, his in procliui est
 & p̄dere, et seruare. Qui pessimi sūt, facillime ledūt.
 Qui sūt utrūq̄, magis etiā sunt formidabiles. Et tamē
 hactenus nec ab his ppelli potuit Erasmus ille infirmus,
 & imbecillis, & ad quāuis aurā mobilis. Interim irri
 det & illud quod scripsi, totū mūdū acuere stilū in Lu
 therū, & minitatur fore Lutheranos, q̄ stilū acuant in
 me, iubetq̄; sibi cōmōstrari aliū quendā mūdū, quasi
 hic tot⁹ stet à Luthero. An hic cōmemorē q̄ multi scri
 pserint in Luth? Apud Italos Syluester Prierias, Tho
 mas Todiscus, Iacobus de Vio, Catarinus. Apud Germ.

PURGATIO ERASMI AD

Eccius, & Minorita quidam Lipsiensis, nomē excidit.
 Gocleius, Ioannes Faber, & Hochstratus. Apud Gal-
 los tota Academia Parisiorū, Iustinianus Augustinus.
 Apud Louanienses Latomus, Ioannes Turenholtius,
 Eustathius Dominicanus, Vincentius eiusdem ordinis.
 Ex aula, Marlianus Tudensis episcopus, & Rimaculus
 Caesaris à secretis. Apud Anglos rex ipse, Ioannes epi-
 scopus Roffensis. Ac tertius quidam tam amarulentus,
 ut ipsi Luthero possit mediū unguem ostendere. Apud
 Hispanos Stunica & Caranza. His adde bullam Leo-
 nis & ædictū Caesaris. Iam plurimi sunt qui nondū edi-
 derūt sua. plurimi qui nōdū absoluerūt, plurimi quos
 ego nō noui. Hæc ideo tantū recēseo, ut declarē hyper-
 bolen meam sine causa irrisam ab Hutteno. Porrò Lu-
 theranorū in me libellos adeo nō metuo, ut doleā non
 prodisse ante treis annos. Imò mihi nōnunquā fuit inani-
 mo subornare quempiam qui prouocaret huc ali-
 quem insigniter Lutheranum. Nec enim alia res me
 poterat liberare inuidia. Nam Huttenus nihil minus
 est quàm Lutheranus, & huiusmodi nenias scribere,
 nihil minus est quàm scribere. Nec unquam tam male
 sensi de Lutheranis, ut suspicarer illorum quenquam
 tales sycophantias in quenquam uelle scribere. Nec
 ipsi Luthero puto me tam esse inuisum, ut talem libel-
 lum in me scriptum approbet. Quanquam si approba-
 ret, haud magnopere commouear. Sed Metius inte-
 rim conquiesco, intentus ad euentum belli, dignus qui
 dilacerer

EXPOSTULAT. HVT TENI.

dilacerer ob perfidiam . Si dignus est malo , qui suis
 laboribus suoque sumptu studet utrique parti prodes-
 se , quo premio dignus est , qui suis tumultibus suaq;
 stulticia utramque partem ledit , & hanc irritans ,
 quam non possit cōpescere , & alteram inuidia degra-
 uans , imò grauissime ledens eam cui fauere se iactat ,
 & subleuans eam cuius se profitetur hostem ? Nec con-
 sisto interim ociosus ut ille Metius , sed perhenni stu-
 dio quā licet rem Euangelicam proueho . Pugnent iu-
 uenes , ego iam me ad eum diem compono , qui me
 hinc euocabit ad tribunal Christi , qui tametsi nulli
 non uenturus est , tamen mihi sanè procul abesse non
 potest . Video quantis odijs , quantisq; conuitijs res
 agitur . Difficillimum est inter hæc tenere tranquillit-
 tatem illam animi Christiani . Dum paraphrases me-
 ditor , sentio componi motus animi mei , meque me-
 ipso fieri meliorem . Et sunt in utraque parte , qui
 mihi gratias agant , profitentes sese ex his uigilijs
 meis capere fructum . Fatetur & hoc Huttenus , esse
 quod maiori cū fructu possim agere , q̄ si scribam ad-
 uersus Lutherū , atq; huc me hortatur . Cur igitur hoc
 agentem talibus epistolis interpellat ? Tergiuersator
 rem me uocat , quod uarius sim in epistolis . An me
 uellet eadem ad omnes scribere , uelut eundem calce-
 um cuius pedi addentem ? Prasertim quum ad perso-
 narum uarietatem accedat & rerum & temporum
 diuersitas ? In tali uero dissidio , in tam diuersis stu-
 dijs , qui

PURGATIO ERASMI AD

dijs, qui uitari potest, quin oblique scribas quaedam?
 Dicet, præstiterat tacere. Utinam isthuc mihi lice-
 at. Sed premor, urgeor, obruor, ut necesse sit à
 me depellere inuidiam. Paulus quoties mutat oratio-
 nem suam, nunc blandiens, nunc obiurgans, nunc
 obsecrans, nunc minitans, multa dissimulans? Non
 in hoc est inconstantia, sed in scopo qui illi semper
 idem est, utcunque mutat uocem aut uultum. Doceat
 quisquam me mutasse institutum, & obijciat incon-
 stantiam. Verum ipsa res indicat me perpetuo hoc
 agere, quod olim insitui. Proueho bonas literas, ac syn-
 ceriorem, & simpliciore[m] illam Theologiam pro ui-
 ribus instauro, idq; quoad uiuam facturus sum, siue ami-
 co, siue inimico Luthero, quem ego pro homine ha-
 beo, & puto falli posse, & fallere. Lutherus cum ceteris
 transibit, Christus manet in eternum. Quod si Luthe-
 rus spiritu Christi ducitur, precor, ut Christus bene
 fortunet quod agit, sin minus, miseret me publicæ cala-
 mitatis. Magnifice uero de utriusq; animo pronunciat
 Huttenus. Ait me Luthero ex animo charum esse, cum
 ego in illum animo sim iniquissimo. O' me hominem
 ingratum, qui non redamem amantem. De animo Lu-
 theri in me, nihil hic disputabo, nec causabor episto-
 las quas de me scripsit suis amicis, non admodum amice.
 In tali negotio non est spectandus affectus priuatus, neq;
 refert quod conueniat Erasmo cum Luthero, sed quod conue-
 niat reip. Christianæ cum Euangelica doctrina. Quod si
 rationem

EXPOSTULAT. HVT TENI.

rationem haberem priuatorū incommodorū, nulli magis indignari debebā, quā Lutherō, qui me meosq; libros tanta degrauauit inuidia: quiq; mihi omnes ferme amicitias, uel dirupit, uel malo fermento uitiauit, nec parum attulit incōmodi bonis literis à me semper defensis, tum uetustis autoribus, quarū autoritatem resistuere conor. Sed quicquid est humanū, posthabendū est ubi agitur de gloria Christi, deque sinceritate fidei catholice, cui utinam Lutherus, uel quiuis alius consuluisset, & librorū meorum, & fortunarū omnium, & huius deniq; capitis iactura. Ceterū unde nouit Huttenus, quid animi habeat Lutherus erga me? Sic cōpotor quispiam illi retulit. Et ille audiuit ex alio, rursus ille ex alio. Atq; ita per uiginti trāsusus rumor ad ipsum puenit. Ex his cōtextit libellos. Nihilō pl⁹ nouit, quo animo ego sim in Lutherū. Sed nōnunq̄ disputo aduersus Lutherū. Hoc mihi nouum nō est. Nōnunquam in eodem cōuiuio Carneadem referens disputo pro Lutherō, & contra Lutherū, aliquando animi gratia, interdum expiscās, quid hic aut ille sentiat, aliquoties & discendi causa. Nec unq̄ tamē ea disputatio apud me excessit in aliquā amarulentiam. Aequis auribus utrāq; partē audire possum. Mihi placet hęc libertas in cōuiujs & familiaribus colloquijs, qua sepe utor imodice, aliorū animos ex meo aestimans. Ac ne me uitijis oībus liberē, hoc mihi uitijū est præcipuū, sic insitū, ut egre possim

PURGATIO ERASMI AD

possum uincere, quum non semel expertus sim quosdam oblitos, quam multa ipsi liberrime dixerint, quod à nobis dictum fuerat, meminisse, ac referre, & per occasionem impingere, multis interim, ut fit, affectis ac deprauatis. Atqui decebat ea quæ inter pocula dicuntur in uino scribere. Quoties in conuiujs imperium transtulimus in Iulium Pontificem, & summum Pontificium in Maximilianum Cæsarem? Deinde Collegia Monachorum matrimonio copulauimus collegijs Monacharum. Mox descriptissimus ex illis exercitum aduersus Turcas. Deinde colonias ex iisdem in nouas insulas. Breuiter uniuersum orbis statum uertebamus. Sed hæc senatusconsulta non inscribebantur æreis tabulis, sed uino, sic ut sublatis poculis, nemo meminisset, quid à quo dictum esset. Maioris etiam inciuilitatis est, criminationem struere ex his quæ amici freti fide nostra, libere nobiscum nugantur per literas. Habeo qui ex intimis amicis, mihi facti sunt capitales hostes, nihil non molientes in exitium meum, nunquam tamen sustinuit animus meus, ut uel è secretis colloquijs, dum constaret familiaritas, habitis, uel ex epistolis quicquam illis obijcerem. Tum enim mihi dignus uiderer, qui ex uniuerso hominum contubernio, in ferarum consortium protruderer. Verum illam ad Laurinum epistolam
 appellat

EXPOSTVLAT. HVTTENI.

appellat odiosam insectationem. Proferat ex ea uerbum unum odiose dictum in Lutherum, Nulla hæresis, nulla hæretici mentio, tragædiam appello, diffidium ac tumultum appello, quibus uerbis de Euangelico quoq; negotio loqui poteram. Tantum placo quosdam Lutheranos, qui nullo iudicio feruntur impotenti quodam impetu, & ad quemuis leuem rumorem excitant tragædias. Vide uero quam causam affingat impudenti lemmati. Ideo tam iniquo est animo in Lutherum, inquit, quia cœpit illi inuidere tantam gloriam, posteaq; illius libri prope magis sunt in manibus hominum quam ipsius. Non inuideo Luthero suam famam. Imò malim quouis Care esse obscurior, quam habere famam illius. Quam si patitur amore Christi, plusquam mortem patitur: nec æquum est, ut quisquam bonus illi inuideat, si aliter est, prorsus insaniat, qui talē famam cuiquam inuideat. Ego si queam assequi, cuperem mea perpetuo & omnibus regionibus legi, potiusquam temporario fauore rapi. Quod si non merentur ipsa utilitate fauorem lectoris, manum non uorterim, etiam si nemo legat. Sed pueri, inquit, à cunis Lutheri nomē uocare assuescunt. Præstiterat ut assuescerent uocare nomē Iesu. Quamquam ubi sint isti pueri, nescio. Fortassis Huttenus illos uidit in arce Francisci. Ego quotidie experior quam multi potētes, docti graues & boni uiri excreentur Lutheri nomen, quorum talis est eruditio, talis uitæ sinceritas, ut uix possim suspicari uel affectu

PURGATIO ERASMI AD

errare illos uel iudicio. Ac ne de sede quidē Romanā
 unq̄ inconstāter loquutus sum Tyrannidem, & rapa
 citatem, ceteraq; uitia, de quibus iā olim uetus, ac bo
 nis uiris cōmunis querela est, nūquā probaui. Nec
 indulgentias usquā in totum damno, etiā si caupona
 tiones illas impudentissimas semper detestatus sum.
 Quid de ceremonijs sentiā, libri mei multis locis te
 statur. Vbi uero execratus sum ius Canonicū, & pon
 tificum scita? Quid aut sit pōtificem in ordinem re
 digere, nō satis intelligo. Primū opinor fatebitur Ro
 mae esse ecclesiam. Nā multitudo malorū non efficit,
 quo minus sit ecclesia. Alioqui nullas haberemus ec
 clesias. Et arbitror esse orthodoxam. Nā si qui mixti
 sunt impij, tamen in bonis manet ecclesia. Huic au
 tem ecclesie dabit opinor episcopū. Eum patietur esse
 metropolitanū, posteaquā tot sunt archiepiscopi in
 his regionibus, in quibus nullus unquam fuit aposto
 lus, quum Roma habeat & Peirū & Paulum, duos si
 ne controuersia summos. Iā inter Metropolitanos, qd
 absurdi sit, si primus locus detur pontifici Romano?
 Nam hanc tantā potestatem, quā sibi seculis aliquot
 usurparunt, nullus audiuit me descendētē. Sed Hutte
 nus nō fert pontificem pestilentē. Id optamus oēs, ut
 pontifex sit uir apostolico loco dignus. Quid si is nō
 contingat? Depellatur. Atq; eadem ratione depellendi
 essent oēs episcopi, qui nō fungūtur officio suo. Sed
 præcipua mūdi pestis, iā multis annis fluxit à Roma.

EXPOSTVLAT. HUTTENI.

Vtinā liceret isthuc inficiari. At iam cōtigat pōtifex,
 q̄ summis ut arbitror uiribus hoc agit, ut eā sedē et Cu-
 riā nobis purgatā reddat. Id non sperat Huttenus. Et
 tamē multa sunt quæ spem aliquā ostendunt. Et chari-
 tas, iuxta Paulū sperat omnia. Quod si Huttenus ui-
 tijs bellū indixit nō hominibus, Romā properet, adiu-
 uet hunc pontificē hoc conantē, qđ ipse molitur. Sed
 Hutten⁹ indixit bellū Romano pōtifici & omnibus q̄
 illi adherēt. Etiā ne bono pōtifici bellū indixit? Quid
 aut faciet his, qui uolentes nolētes adherēt pontifici?
 Quid faciet Cæsari, q̄ pontifici iūctissimus est? Quod
 si bellū appellat, depopulari agros, excindere urbes,
 diripere opes, depellere possessionē: Huttenus hacten⁹
 tantū maledixit pōtifici, nec ullā muscā Romanēsem
 lesit, nisi p̄tinus iugulatos existimat, in quos iacit con-
 uitiū. Sed uideat an expediat iritare, quos iritados nō
 queas opprimere. Romanēses optarent semp̄ sibi ta-
 les hostes, qualis est Huttenus. Qđ si malū Romanæ
 Curie nō poterat aliter sanari q̄ bellico tumultu, con-
 fusis ac subrutis omnibus, quū hic nihil possit Hutter-
 nus, satius erat sinere τὸ εὖ κείμενον κακόν, q̄ tanto
 orbis malo mouere Camarinā. Vellē aut ex Hutteno
 scire, quos sentiat, quoties dicit, nos, & nobis. Nā hoc
 p̄nomine frequēter utitur. An oēs q̄ quoquo modo fa-
 uēt Luthero, et male uolūt Romano pōtifici? At ego
 uideo uariū esse genus hominū ī hac classe. Sūt enim
 qđā homīes docti, meoq; iudicio minime mali, q̄ ple-

PURGATIO ERASMI AD

raq; Lutheri pbant, & cuperent accisā esse Romani
 eis potestatem, cuperent pro mundano principe, do-
 ctorem Euangelicum, pro tyranno, patrem: optarent
 subuersas mensas emētium ac uendentium in templo
 domini, optarent coercitam intolerabilem impuden-
 tiam indulgētiariorum, Compositionariorum, dispen-
 sationariorum, bullariorum, optarent multum deceder-
 re ceremonijs, & addi studio ueræ pietatis. Cuperent
 Euāgelij uigorem quod iam penè obsoleuerat reuiu-
 scere. Cuperent diuinæ scripturæ autoritati cedere do-
 gmata & opiniones hominum, cuperent humanas con-
 stitutiones non præferri præceptis dei. Nollent scho-
 lastica decreta quæuis habere uim oraculi, dolentes
 populum Christianum grauari quibusdam humanis
 constitutionibus, ueluti de delectu ciborum, de multi-
 tudine festorum, de reseruatione casuum, de gradibus
 cognationis astrictis, de cognatione spiritali. Vel-
 lent etiam quædam humana placita cedere publicæ
 utilitati, quod genus est, ex solo consensu coire matri-
 monium. Cuperent explicari consciētias hominum, ni-
 mis multis laqueis impeditas. Cuperent conciones esse
 liberas ac sanctas, cuperent episcopos, qui nunc ma-
 gna ex parte nihil aliud sunt quàm mundani princi-
 pes, esse uere episcopos: monachos, quibus nunc nihil
 est mundanius, esse uere monachos. Hi Lutherō fa-
 uent hoc nomine, quod hanc prouinciam fortiter ui-
 deatur aggressus. Cum his mihi si fœdus non est, cer-
 te ma-

EXPOSTVLAT. HVTTENI.

te manet uetus amicitia, literarum glutino conciliata, etiamsi non consentimus in omnibus. Horum nullus est, qui Hutteni conatus probet, ne ipse quidē Lutherus. Sunt rursus quidam indocti, nullius iudicij, uita impura, obrectatores, peruicaces, intractabiles, sic addicti Luthero, ut nec sciant, nec seruēt quod Lutherus docet. Tantum Euangelium habent in ore, ne gligunt preces & sacra, uescuntur quibuslibet, & maledicunt Romano pōtifici. Sic Lutherani sunt. Horū inconditos tumultus, & inconsulta concilia principes ac magistratus tandem cogentur opprimere. Ita & que fiet horum uicio, ut nec illa corrigantur de quibus mundus merito queritur. Atque inter pocula plebūq; feritur foedus Euangelicum. Adeo uero stupidi sunt ferē, ut non intelligant sese plurimum officere causae cui fauent, & qui uelit illis prodesse, necesse habeat eos fallere, ueluti quū medicus imponit phrenetico daturus pharmacum. Cum hoc hominum genere nullum optarim ego commercium. At nec Huttenus uidetur hos probare, quos uicanos appellat. Sunt alij, quos suspicor, non fauere negotio Euangelico, sed inhiare in praedam, ut sub Euāgelij prae-textu latrocinium exerceant, hos nec ipse pbat Lutherus. Habent enim longe diuersa dogmata, nimirum haec. Qui praetexere potest aliquid nobilitatis, ei ius est adoriari uiatorem in publica uia, & spoliare aut captiuum abducere. Ius est, ubi quod erat nummorum, uino, scor-

PURGATIO ERASMI AD

tis & alea decoctum est, bellum indicere cuicumq; ui-
sum est cōmodum. Hæc dogmata nō habet Lutherus.
Fortasse sunt nonnulli, qui rebus omnibus profliga-
tis ac perditis, Lutheranos se fingunt, ut hoc titulo si-
bi pariant autores. An hos oēs Huttenus suscepit de-
sendēdos? Quoties enim de Lutheranis quibusdam lo-
quor, ille commouetur. Si querar à Lutherano quo-
piam mihi marsupium detractum in itinere, an Hut-
tenus arbitrabitur hoc ad se pertinere? Nam quod se-
mel queritur se proprio morsu petitum à me, quoni-
am nec locum indicat, nec rem, ne mihi quidem libet
diuinare. Certe quum illa scriberem, non erat ani-
mus Huttenum ledere, cui favebam literarum dunta-
xat nomine. Et si quid tale fuisset, quod secus ha-
bet, quid hoc ad hanc insectationem tam crimino-
sam? Si me decies petisset oblique dissimulas-
sem. Quoties autem reuocat me ad suas par-
tes, quo iubet me uenire? Ad uiros bonos & Euan-
gelicos? Ego libenter aduolare, si quis commōstret.
Si quos nouit, qui pro uino, scortis & alea, semet
oblectant sacra lectione, sanctisq; confabulationiuncu-
lis, qui neminem fraudant pecunia debita, sed ul-
tro largiuntur non debitam egenti: Qui adeo nō ma-
ledicunt immerentibus, ut conuicium ingestū etiam
placido responso molliāt: qui nemini uim aut inferūt,
aut minantur, sed iniuriam etiam beneficio pensant:
Qui adeo nulla mouent dissidia, ut memores, Chri-
stum

EXPOSTVLAT. HVTTENI.

ne, si illa non desit gloriæ Christi: me illi pro uirili
 adfuturum, si illa synceris rationibus prouehere ni-
 tatur rem Euangelicam. Huiusmodi quum multis lo-
 cis inculcē, tamen dissimulat Huttenus. Tant ũ uena-
 tus est loca quædam quæ deprauaret. Quanquam ma-
 gis suspicor delatores indicasse loca quædam. Nec e-
 nim adducor ut credã Hutteno in tantis negocijs, quæ
 domi belliq; gerit, esse ocium nostra legendi. Sed in-
 tolerabilius est, quod alicubi scripsi, neminem pium
 non fauere pontifici Romano. Hic non uidet illud po-
 stulasse dictionis Oeconomiam, ut pontifice concilia-
 to, odium in quosdã trãsserrem, qui rem parũ dextre
 gerebãt nomine pontificis. Neq; tamen falsum est qd̄
 scripsi. Fauet enim pontifici, quisquis cupit illũ ma-
 xime florere dotibus apostolicis: licet odisse Leo-
 nem, & tamen fauere pontifici. Qui fauet malefa-
 ctis pontificum, non fauet pontificibus. Objicit &
 hoc, quod illius sedis autoritatem, tot seculis sequu-
 tus est orbis Christianus. Quod scripsi uerum est, &
 utinam perpetuo sequeretur, modo illa ageret nego-
 ciũ Christi. Huteenus clamat, id nũquam futurũ. At
 nos speramus meliora, præsertim hoc pōtifice. V trũ
 autem sanctius est, sequi autoritatem pōtifiã Romã-
 ni, an sequi autoritatẽ Hutteni? Nam ad hãc collatio-
 nem adhibui dictũ hoc. Quẽadmodum & illud quod
 objicit de autoritate orbis cōsensu, tot seculis cōpbatã:

Argumen

PURGATIO ERASMI AD

Argumentor enim mihi dandam ueniam, si in rebus controuersis homo parum doctus, sequar autoritatem Romani pontificis, potius quam huius, aut illius: Quibusdam enim illud satis est, ut credant, quod Lutherus dixit αὐτὸς ἔφα. Hoc si Lutherus postulat, insanit: si nō postulat, insaniunt illi. Certe constat postea Græciam quoq; in Romani pontificis auctoritatem concessisse. Orbem autem uoco maximam orbis Christiani partem, nisi forte Huttenus sophistam agens, obijciat sciopodes nondum dedisse nomē pontifici Romano. Quinetiam si principatus pontificis non esset à Christo, tamen expediret unum esse, qui cæteris auctoritate præmineret, sed quæ longissime tamen abesset ab omni tyrannide. Quod autem alicubi scripsi oportere sacrosanctam esse Romani pontificis auctoritatem, idem non dubitem dicere de singulis episcopis, modo ne præcipiant impia. Iam enim desinunt esse episcopi. Dicit uix potest quàm periculose populus assuescat oppedere iussis episcoporum hoc titulo quod mali sint, mox enim nec bonis erit dicto audiens. Obijcit & illud, quod ne morte quidem alicubi scripserim me diuellendum à sede Romana. Dicendum hoc erat quum delatus essem, quod conspirassem aduersus sedem Romanam. Quid tum postea? An ideo confirmo tyrannidem, aut uitia Romanensium? Adidit me hoc impudenter scribere, qui toties discesserim à sede Romana. Imò hoc impudenter fingit Huttenus. Scri

us. Scri

EXPOSTULAT. HUTTENI.

nus. Scripta mea diuersum clamitant. Nec ideo disces
si à sede Romana, si quædam illius sedis improbauit.
Imò sunt inter antiLutheranos qui damnant, quod
pontifices hæcenus habuerunt omnia uenalia, nec
ideo defecerunt à sede Romana. Alioqui & Cesar
& hic pontifex recessissent à sede Romana, qui con
sultant de tollendis illius uitijs. Objicit et illud quod
alicubi scripserim. Quis non fauceat eius dignitati,
qui uirtutibus Euangelicis Christum nobis repræsen
tat? Quid hic calumniatur Huttenus? Admoneo qua
lem oporteat esse pontificem, & quatenus illi fauen
dum sit. Sed dicis hoc figurate. Quid refert, si res &
tempus figuram postulet? Vbi uero scribo me sanare
posse has discordias? optarim posse. Quod si possem,
non durarent in crastinum. Sed clama, inquit, ne ces
ses, annuncia populo scelera eorum. Clamaui liberi
us, quàm mea fortuna ferebat, & eius est clamare in
aliena peccata, qui ipse immunis sit à peccatis. Ego
parcius insector aliena peccata, quia mihi quoq; con
scijs sum multorũ admissorum. Clamet Huttenus,
homo purus, in quem nihil criminis possit regeri.
Nom sum Esaias, & hic iubetur in populum clama
re. Huttenus me iubet clamare in principes quum
scriptum sit: principi populi tui non maledices. Ma
gni refert utrum deus præcipiat Esaiæ, an Huttenus
Erasmo, clama. Est autem clamor quidam inutilis,
qui nihil aliud quam tumultus excitat, & iritat ty
rannidem

PURGATIO ERASMI AD

rannidem . Alioqui ne nunc quidem cesso clamare in scriptis meis , quatenus spes est proficiendi . Clamo etiam dum scribo paraphrases . Quid enim est aliud Euāgelij lux , quā redargutio nostrarum tenebrarum ? Expendat hoc quisquis integer est , utrum plus utilitatis adferant Huttenici clamores , an mea silentia . Vbi uero defui reip. Christianæ , si licuit prodesse ? Quanquam principes nec à quouis obiurgari sustinent . Nam id episcoporum munus est . Atque id conuenit clam fieri potius quā apud populum . Aut cui sumo hos labores , præter ætatis ac ualeitudinis rationem ? Si componere , inquit , studes inter partes concordiam , quæ alteram partem atrociter impugnas ? Imò alio loco dixit Metium , & nūc agit me totis uiribus ferri in alteram partem . Vbi uero commissæ est hæc pugna ? Tantum in epistola ad Laurinum , aduersus quosdam morosos mihi ius uindico , si res ita postulet , sacræ scripturæ testimonijs ac solidis rationibus , citra conuitia congregiendi cū Luthero . Et queritur illud Huttenus , quod conuitijs & clamoribus duntaxat agatur cum Luthero . Quæ igitur sic debacchatur in eum qui pollicetur se , si congregari uelit cum Luthero , à clamoribus et cōuitijs temperaturum , ac sedata collatione tantum sacræ scripturæ testimonijs & rationibus ueris acturum ? Nihil enim aliud promisi , & tamen hoc ita promisi , ut satis ostenderem me non facturū , nisi ostensa spe proficiendi

EXPOSTVLAT. HVTTENI.

ficiendi . Nam quod in Lutheri scriptis offendit ~~m~~
 immodica maledicentia , & arrogantie species , eae
 dem res offendunt etiam illos , qui Luthero sunt iu
 ratiſſimi . Nec id diſſimulaui Coloniae apud ipſum Sa
 xoniae ducem Federicum , audiente Georgio Spa
 latino , quum nondum exiſſet apud nos Captiuitas
 Babylonica . Reſpoſum eſt eum in cõcionibus ac præ
 lectionibus eſſe maſuetiſſimum . Gauiſus ſum & lau
 dauī , addens eam maſuetudinem maxime præſtan
 dā in ſcriptis , quæ toto orbe uolitent , quū uox ad pau
 cos perueniat . Polliciti ſunt ſe daturos operam , ut id
 fieret . Nec Huttenus ipſe negat in Luthero deſide
 randam modeſtiam ac lenitatem . Sed quid hoc , in
 quit , ad cauſam ? Iſtuc à nemine minus conueniebat
 queri , quàm ab Hutteno , qui quum ubique contem
 dat Lutheri cauſam eſſe iuſtam , ſanctam ac piam ,
 maxime debebat irasci uitio , quod plurimorum a
 nimos alienat . Si Lutherus ab initio candide maſue
 teq; docuiſſet , abſtinēs ab his quæ prima ſpecie ferri
 non poterant , nihil fuiſſet tumultus . Si mihi terq;
 quaterq; frater eſſet Lutherus , ſi doctrinam illius to
 tam probarē , non poſſem non uehementer improbare
 tantam in aſſeuerando peruiaciam , tam acerbam
 ubiq; paratam maledicētiā . Nec adhuc poſſum ani
 mo meo perſuadere Chriſti ſpiritum , quo nihil miti
 us inhabitare pectus illud , unde tanta ſcatet amar
 rulens

PURGATIO ERASMI AD

rulencia. Atque utinã hic me fallat mea suspicio. At
 habet & spiritus Euangelicus suũ stomachũ, audio,
 sed aliũ, nec usquã abest mel illud charitatis, quod ob
 iurgationis aloẽn condiat. Audio Petrum indignan-
 tem Simoni: pecunia tua sit tecum in perditionem. An
 existimas donum dei parari pecunia? Hoc conuicium
 ab apostolorum omnium mitissimo extorsit rei indi-
 gnitas. Sed audi nunc condimentum: pœnitentiã ita-
 que age, & roga deum, si forte remittatur tibi hæc co-
 gitatio cordis. At Lutherus in argumentando parcus
 & astrictus, in conuicijs & scommatis neq; modum
 nouit, neque finem. Ibi sæpnumero sannis & salibus
 ludens. Vbi res nullam præbet occasionem, uelut in li-
 bello quem scripsit aduersus regem Angliæ, quid inui-
 tabat, ut diceret: ueniatis domie Henrice, ego docebo
 uos, certe regis libellus Latine loquebatur nec i eru-
 dite. Et tamẽ sunt qbus ista mire uidetur festiua. Que-
 ritur Huttenus quod ego præbita qualicunq; spe me
 disputaturum cum Luthero, addiderim animos prin-
 cipibus, ut ueluti redintegrato bello coorirentur ad-
 uersus Lutherum. Quum ipse potius acerbitate cala-
 mi prouocet omniũ animos in sese, & ad exemplum
 capræ Scyriæ, de qua est in Græcorum prouerbijis, hoc
 ipsum qd' reddidit boni lactis, ferocia subuertit. Ar-
 rodit & illud Huttenus quod alicubi scripsi, nõ esse
 Enãgelicũ technis, ac ui quenq; in sua castra ptrahere.

Quum

EXPOSTVLAT. HVTTENI.

quum olim Christiani celarint eos qui uocabantur
 in periculum, nec admittebant in suum cõtubernium,
 nisi sponte uolentes & ambientes, quum me tot arti-
 bus conati sint irretire Lutherani quidam ne possent
 resilire. Hoc uult à me confictum uideri, nisi profes-
 ram qui hoc fecerint. Imò ipse respondeat, quid eger-
 rint illi, qui primam illam epistolam Luthero scri-
 ptam euulgarunt, quid qui loca quaedam odiosa, è li-
 bris meis decerpta, & in linguam Germanicam uer-
 sa typis publicarunt, præter alia quaedam inciuilius
 etiam euulgata. Quid egerint, qui epistolã ad Card.
 Moguntinensem, secreto scriptam, nec Card. reddide-
 runt, & opera typographorum euulgarunt? Quid
 aliud agebant isti, nisi ut obsides haberent ex me, ne
 resilirem? Hæc dütaxat attingo, quæ manifesta sunt,
 possem & alias narrare fabulas, si libeat. Illud de-
 prehendo ferme in omnibus qui sese huic factioni
 addixere, quod quemadmodum qui in aquam delapsi
 sunt, quæcunq; possunt arreptum secum pertrahunt
 in exitium, etiam si quis periclitantibus conetur suc-
 currere, ita isti per omnem occasionẽ quoscunq; pos-
 sunt inuoluere student cõmuni periculo, etiam illos
 per quos poterant eximi periculo. Deniq; exponat
 nobis Huttenus quid senserit quũ scriberet hæc uere-
 ba: Nullos libros scribes meliores, si tamen ullos scri-
 bes, & postea neget esse qui ui contentur pertrahere.
 Interim ait me nihil agere, quum defixis pedibus hæ-

PURGATIO ERASMI AD

ream in factione Lutherana, uel libros meos status-
ros ab ipsis, si ego maxime defecero. Quaeso te lector
qui hæc scribit, & qui minuitur, nescio quas episto-
las arcanas, qua fronte flagitat, ut proferam, qui te-
chnis ac ui me conentur pertrahere in factionem Lu-
theranã? Sed qui heret defixis pedibus? is qui perpe-
tuo & constanter auersatus est factionem, qui de-
hortatus est omnium primus à periculoso negotio?
Quod in libris meis est, inficiari non possum, & ha-
ctenus tutatus sum absq; præsijs Hutteni. Quod si
libri mei docerent eadẽ quæ docet Lutherus, quã ha-
beã tã multos insigniter insensos, idẽ honoris retulis-
sent, quod retulerũt libri Lutheri. A nobis stabunt,
inquit. A quibus? Toties hoc pronomen, nobis, occur-
rit, quum Huttenum nec Lutherus agnoscat, neque
quisquam Lutheranus paulo cordatior. Similis fari-
næ est & illud, quod minuitur fore, ut si quid accide-
rit parti Lutheranæ, nihilominus me tractet pars ui-
ctrix, quã nos, inquit. Atqui ego non indixi bellum
Pontifici Romano, non scripsi postillas in Bullam Põ-
tificis, non professus sum protectorem Lutheranæ fa-
ctionis, non aduersatus sum edicto Cesaris. Quid au-
tem sibi uult illud, si quid acciderit. An nõ planẽ uin-
cit ac regnat pars Luthero aduersa? An non hæcte-
nus incremem me exposui omnibus? Quid factum est
Erasmio? Cesar honorauit, idem fecit Ferdinandus,

Põtifex

40

EXPOSITVLAT. HVTTENI.

Pontifex offert & amiciciam & fortunam. Tātum infani quidam fremunt in me, deuoti hostes bonarum literarum, quibus Huttenuus hoc libello uoluit gratificari, certe gratificatus est. Quanquam qui persequuntur Huttenum, non ista magnopere obijciunt. Sunt alia quædam, in quibus fatetur me non coniunxisse socia arma. Et ab his amicis, plus est illi periculi, quàm à Pontifice, cui iam pridem bellum indixit. Quàm atrociter autem exagitat; quod alicubi scripsi: non semper esse proferendam ueritatem, & magni referre, quo modo proferatur. Quam tuam sacrilegam uocem, inquit, in iugulum recogni oportuit. Iam enim stomachosius hoc me eloqui res cogit: Si officium debite facerent, qui hæreticos uel ad recantationem adigunt nunc, uel in ignem coniiciunt. Christus primum legans Apostolos ad Euangelicam prædicationem, uetuit ne proderent se esse CHRISTVM. Si ueritas ipsa iussit eam ueritatem ad tempus sileri: citra cuius cognitionem ac professionem nulli contingit salus: quid noui, si ego dixi alicubi suppressendam ueritatem? Idem nonne siluit apud sceleratum concilium, quod coierat in domo Annæ & Caiphæ? Si dixero, inquit, uobis, nõ credetis mihi? Veritatem detururus erat. Quur igitur siluit? quia sciebat nullum fore profectum. Nonne similiter obticuit apud

PURGATIO ERASMI AD

Herodem? Sit parum hoc illum fecisse, nisi docuit ita faciendum. Nolite, inquit, sanctum dare canibus, nolite margaritas obijcere porcis. Quum iubet Apostolos emigrare è ciuitate, quæ se præbeat indignâ Euâgelico sermone, nõne silere iubet quod uerum est? Petrus in primis illis suis concionibus Christum uirum appellauit, deum tacuit. Idem fecit Paulus apud Athenienses. Paulus loquitur sapientiam inter perfectos, utiq; ueram: inter imbecilles igitur silet, quod uerum est. Paulus apostolos uocat dispensatores mysteriorum dei. Qui dispensat, nõne quedam promit, quedam recondit, utcunq; poscit profectus auditorum? Cur catechumenis nõ statim aperiebãtur omnia mysteria philosophiæ Christianæ? Quia nondum erant capaces? Et tamen hic nõ loquebar de articulis fidei, sed de paradoxis Lutheri, deq; conuicijs in pontificem. Finge mihi constare, festum Paschæ non suo die celebrari, utrum expedit eam ueritatem magno orbis tumultu defendere, an silere? Si mihi apud tyrannum præpotentem esset agenda causa innocentis, num omnia uera proloquar, & causam innocentis prodã, an multa reticebo? Huttenus uir fortis ac ueritatis tenacissimus sic ageret opinor: Sceleratissime tyranni, quum tot ciues te meliores occideris, nondum saturata est tua crudelitas, nisi hũc innocetẽ tollas è medio? Neq; multo dexteri? quidã agũt causam Lutheranã, qui seditiosis libellis debacchãtur in Romanũ pontificẽ

EXPOSTULAT. HVT TENI.

pontificem. Aut si cui uiro bono ab impio pontifice conaretur impetrare sacerdotium, scriberet hunc in modum: Impie antichriste, extinctor Euangelij, publice libertatis oppressor, adulator principum, tot sacerdotia turpibus turpiter donas, ac turpius uendis, da huic bono uiro hoc sacerdotium, ne male colloccs omnia. Rides lector. Attamen isti nihilo prudentius agunt negocium Euangelicum. Nec tamen dixi omnem ueritatem silendam, nec perpetuo, sed alicubi. An nusquam tacendum est, quod Romanus pontifex est antichristus? Nā finge illum esse. An non diu siluit Hilarius antequā scriberet aduersus Arianos? Ipse fatetur & excusat. Cyprianus porrecturus ceruicem pro Christo, quum praefectus illi obijceret, quod conspirasset aduersus Caesaris maiestatem, quomodo respondit? Merito aduersus illum conspiramus, cultor est demoniorum, hostis dei, haeres aeterni ignis? Nequaquam, sed negauit se esse hostē Caesaris. Imò quotidie orare se pro illius incolumitate, ob publicā tranquillitatem. Sic enim decebat ab episcopo Christiano proferri ueritatem. Quomodo autē Hilarius scribit Constantio suam agēs causam? Nōne multa tacet, multa dissimulat, multa blandius dicit, quā pro illius merito? Imò quomodo Paulus agit causam suā apud Felicem, Festū, & Agrippam? An nihil illic tacet ueri? An nō summa comitate, quod uerum est proloquitur? Quid igitur est in hoc meo dicto sacrilegiū

PURGATIO ERASMI AD

per iugulum recogendum, & incendio dignum? Non
 pudet hunc in talibus nugis tales excitare tragœdi-
 as? Iam illa non dubito, quin omnibus uideantur esse
 ridicula, quæ somniat de mea ad Romanos profes-
 sione, de occurſu Cardinalium, de gratulationibus,
 de donarijs. Hæc minus ridicule fingeret, si me iam
 ad Romanum iter accinxissem. Atque hic subito ex
 accusatore factus consultor, admonet ne credam fu-
 catis amicis. O amicum animum ac pro salute mea
 mire sollicitum. Nil opus est talibus monitoribus. Me-
 lius scio quid agatur Romæ, quàm Huttenus. Festi-
 uum & illud, quod quum nihil omnium probarit, quæ
 dixit, in fine mouet affectus, reuocat me, deplorat ui-
 cem meam, subinde miserescens mei, rursus dubitans
 an dignus sim ipsius misericordia, credens interim se
 dare uerba mundo ignotum. Quid autem stultius,
 quàm me inde reuocare, ubi nunquam fuerim, & eò
 uocare ubi sum? Reuocat à partibus pessimorum, qui
 stabiliunt tyrannidem Romanensium, qui subuertunt
 Euangelicam ueritatem, qui obscurant gloriam Chri-
 sti. Atqui aduersus istos, semper bellum gessi: inuitat
 autem ad partem ipsius, quum mihi nondum constet
 ubi sit Huttenus. Verum hic interim cogor desidera-
 re iudicium Hutteni, quum tota hac oratione faciat
 me hominem uanissimum, leuissimum, inconstantissi-
 mum, & qui frusto panis reuocari possim in diuersam
 sam

EXPOSTVLAT. HVTTENI.

ſam partem, imbecillem, meticuloſum, exanguem,
quid opus eſt talem in fortium uirorum partes inui-
ſare:amicum ἐφίμερον, & ſi perſeueret, nihil aliud
quàm ficulnum, ut Græci dicunt, auxiliū? Sed de
Luthero ac Pontifice iam ſatis opinor dictum eſt.
Nunc quoniã locus admonet, pauca de moribus meis
reſpondebo, quos promittit ſe perpetuo detecturum.
At uercoꝛ ne hoc libello magis detexerit ſuos mores,
quàm meos, ac fortassis ipſe conſultius fecerit, ſi ſtu-
deat ſuis moribus contegendis, quàm retegendis alie-
nis. Quid autem improbius quàm Huttenum ſumere
cenſuram morum meorum, qui nunquam mecum ege-
rit conſuetudinem, niſi quod ſemel atq; iterum con-
greſſus ſit, & ſemel, aut ad ſummum bis, mihi fuerit
conuiuia? Pronuncient de moribus meis, qui familia-
riter ac diu mihi conuixerunt. Probat inſtitutionem
meam, mores improbat, & ab horum imitatione
dehortatur Germanos. Age diuidatur hæc utilitas
inter nos, ſumat Germana iuuentus à nobis inſtitu-
tionem, morum exemplar petat ab Hutteno. Sitq;
hoc iam unum ſpecimen Germanicæ ſincerita-
tis, quum non poſſis inimico nocere, talibus li-
bellis ſubito iugulare amicum, & quod ſuperat
omnem barbariem, ex ipſa amicitia telum quo
confodias amicum, uelut è boue, quod aiunt, lor-

PURGATIO ERASMI AD

rum sumere, Nisi enim Huttenum complexus fuisset
 sincera beneuolentia, non haberet quo me lederet.
 Quanquam magis indignor illi, qui Huttenum huc
 instigauit, cui nec ipsi fuisset facultas nocendi, nisi fu-
 isset in familiaritatem admissus. Nec is fraudabitur
 sua laude, quum sese prodiderit. Hactenus enim, iux-
 ta comici dictum, quod scio nescio. Et postea relegat
 me in meam Gallogermaniam, quum ipse in Germa-
 nia nullum habeat locum satis tutum, malitq; hospes
 esse Heluetiorum clancularius, quã Germanus apud
 Germanos in luce agere. Ne quid interim taxẽ, quod
 Bruxellenses, qui sine controuersia Galli sunt, appel-
 lat Gallogermanos, ac me relegat e Germania.
 quasi Basileæ uiuens agam in Germania. Proin-
 desi Huttenus regnum obtinet in tota Germania,
 ut ius habeat relegandi quem uelit, mihi debet equi-
 or esse, qui natus sim inter ostia rheni, sed propior
 Gallie quã Germania, nec unquam attigi Germa-
 niam, nisi semel atq; iterum, obiter aliquod inuisens
 oppidum Rheno uicinum, uelut olim Francfordiam,
 nuper Friburgum. Nec admodum in uotis est altius
 ingredi. Nondum grauari Germaniam, à qua nihil
 unquam ambij, nisi grauat, qui suis sudoribus adiu-
 uat publica studia. Nec hic ago pro tempore ut quen-
 quam spoliem, sed ut meo sumptu prosim bonis lite-
 ris & Euangelico negotio. Vt Germanorum ami-
 citiam libens amplexus sum, ita gratia superis, nul-
 lius

EXPOSTVLAT. HVTTENI.

lius ego benignitate. Ego nunquam iactavi mores meos, & quotidie cum illis rixor, etiam senex: gaudeo tamen esse puros ab his uicijs, quæ mihi largiter tribuit Huttenus, id quod omnium testimonio probare possum, quibus cum familiariter uixi. Primum facit me adeo meticulosum, adeoq; infirmi animi, ut meam ipsius umbram penè metuam. At Huttenus meminisse debet plurimum interesse, inter fortitudinem ac temeritatem. Tentare quod non possis efficere, prouocare quos nequeas coërcere, dementia est, non fortitudo. Est quædam gladiatoria fortitudo, quæ in nervum erumpit, Prudenter scripsit Lyricus noster:

Vis cōsiliij expers, mole ruit sua, Vim tēperatā dij quoq; prouehūt in maius. Et tamē si quis perpēdat libertatem, quæ est in libris meis, citius alicubi me dānabit temeritatis, quā timiditatis. Vide uero, quā studio est iniquus, Huttenus ipse talis qualis nūc etiā est, uult haberi formidabilis, & me meticulosum uocat, quod Casarem ac Pontificem metuam citra ueritatis Euangelicæ prodicionem, Ipse quum esset Bruxellæ, non ausus est illic manere, quod alacer, ut ipse tum narrabat, occurrisset Hoehstratus, qui tum nec Prior erat, nec Inq̄sitor, nec ullis bullis aut diplomatis instructus. Ille sic metuebat exarmatum Leonem, ut se subduceret, & ego meticulosus sum, si non stultis conuicijs ubique prouoco tot hostes, qui mihi & ante Lutherum male uolebant, nunc tot edictis, tot

PURGATIO ERASMI AD

bullis, atq; etiam satellitio armatos? Prudentis est ali-
quando metuere ne metuas, quod si fecisset Hutte-
nus, nunc non metueret omnia, sed esset charus ple-
risq; metuendus multis. Neq; cuiquam feliciter ces-
sit hostem suum contempnisse. Quid liberius libello
de principe? Eum ego Carolo Cæsari in manum dedi.
Huttenus sibi fortis uidetur, si ex angulo quopiam
dictum aliquod iaciat in hunc aut in illum, & telo,
quod aiunt, immisso fugiat. Non uideo quur huius
animi me magnopere pæniteat, qui hactenus tot mor-
bis, tot laboribus, tot casibus, tot tragædijs suffece-
rit, qui & inimicorum maledicentiam, atq; etiam ma-
lescentiam contemnere, qui opes ac dignitates à mo-
narchis oblatas recusare sustinuerit, qui in tantis re-
rum motibus ac periculis, nunquam remisit stu-
dium benemerendi de publicis studijs. Atque interim
iactat se mihi uoluisse addere animum. Prestaret, si
sibi detraheret aliquid animi, & adderet iudicij. At
Huttenus autumat mortem etiam oppetendam pro
ueritate Euangelica. Nec ego istuc recusem, si quis
casus eò uocet. At pro Luthero proq; Lutheri pa-
radoxis, nondum est animus mortem oppetere. Non
agitur de articulis fidei, sed an principatus Roma-
ni Pontificis sit à CHRISTO. An Cardinalium
ordo sit necessarium membrum ecclesiæ: an confes-
sio

EXPOSTVLAT. HVTTENI.

fio sit ab autore CHRISTO: an episcopi possint suis constitutionibus obligare ad peccatum capitale: an ad salutem conducat liberum arbitrium. An sola fides conferat salutem: an dici possit aliud quod bonum opus hominis. An missa possit aliqua ratione dici sacrificium. Pro his quæ solent esse themata consuetationum scholasticarum, nec ausim cuiquam uitam eripere si iudex sim, nec uelim in capitis discrimen uenire. Optarim esse Christi martyr si uires ipse suppeditet, Lutheri martyr esse nolim. Quod autem me subduxi à Brabantia, quod à Roma abstinere, non metus est, sed consilium. Sciebam me illic esse non posse, nisi descenderem in harenam aduersus Lutherum. At non habebas, inquit, tu apud te consilium quid esset factum opus, si Cæsar te iussisset in Lutherum scribere? Age det mihi consilium Huttenus. Fingat ita Cæsarem loqui, quod sine dubio factum fuisset: Erasme persuasum est nobis te esse uirum, qui & eruditione, & stilo plurimum ualeas, atque etiam gratia polleas apud eruditos Germanos. Adiuaa igitur nostros conatus in opprimenda pestilentissima heresi Lutherana, laturus à nobis amplissima tui officij premia. Quid hic respondissem? Non uacat, non suppetunt uires ad id prestandum, quod exigit tua maiestas. Ille urgeret: Quid possis abunde cognitum habemus ex doctis uiris, rogamus

PURGATIO ERASMI AD

gamus ac uolumus ut hac in re morem geras animo nostro, simul & à nobis inibi gratiam, & te falsa suspitione liberabis, quæ te non semel iam detulit factorem esse Lutherane impietatis. Hic mihi suggerat Huttenus, quid esset respondendum. Si pollicitus fuisssem me facturum, omnibus post habitis, fuisset tragediæ seruiendum. Coactus fuisssem me præbere scribam monachis quibusdam ac Theologis, quos nimitè noui. Nec licuisset scribere Paraphrases, aliâq; quæ spero non huic tantum seculo profutura. Sin pernegasssem, coniecisssem me ipsum in aculeos crabronum, & in manifestâ perniciem. Quo me proripuissem? Ad arcem Hutteni? Ad Vuittenbergam? Sed ubi fortunula quæ mihi perisset? Hæc ætas, hæc ualetudo non patitur me uagari, & egere, non patitur latitare ac fugitare. Nunc ita mea temperaui, ut nec inexplícabili Labiryntho me inuoluerim, nec deseruerim rem Euangelicam. Mihi nondum plene constat, an ueritas Euangelica sit penes Lutherum. Quod si id constat Hutteno, ueri tenacissimo, & parat⁹ est p̄ illius defensione mortem oppetere, quur fugitat ac latitat? Eat Romam, aut eat in Gallogermaniam. Ibi cōtinget sperata palma, Hactenus de huius animi imbecillitate, quem ego cum decem Hutteni animis plus quam Achilleis nolim permutare. De cōstantia mea puto iam satis dictum. Non est cōstantiæ semper eadem

EXPOSTVLAT. HVT TENI.

dem loqui, sed semper eodem pertendere. At non des-
cet Germanum uasfrices. Respondeat igitur mihi
Huttenus, quum hinc abiret, an recta publicaque uia
peruenerit Milthusium, & an clara luce Milthus-
sio discesserit. Vbiq; me uanissimum facit, & impur-
dentiissime mendacem, sibi ueritatem illam adamans,
tinam arrogans. At ego paucissimis in hac laude con-
cessero. Mendaces oderam iam tum puellus, sensu
quodam nature, quum nondum scirem quid esset mē-
daciū. Et nunc homines eiusmodi sic auersor, ut eti-
am ipso corpore commouear ad illorum aspectum.
Huius rei testes erunt, qui cominus familiari dome-
sticaq; consuetudine meum pernouerunt ingenium.
Imò quibus propius notus sum, illud mihi uicium cer-
peculiare tribuunt lingue libertatem immodicam,
quæ uerum tacere nesciat. Atque hæc est præcipua
causa, quæ me ab aulis principū subduxerim, in qui-
bus uelis nolis, multa indigna atque iniqua mussan-
da sunt. Obijcit inciuitatem, atq; etiam perfidiam
erga amicos. Inciuitatem quid appellet nescio. De-
ducere, reducere, uocare, & itare ad conuiuū, ac si-
milibus uulgaribus officijs uti erga quos uis, nec est
huius ualetudinis, nec hominis tot laboribus districti.
Quanquam interim ego ille inciuilis, plusquam dimē-
dium temporis impendo epistolis, quibus respondeo,
quibus saluto, aut commendo amicos. Alicui fortasse
pernegauit

PURGATIO ERASMI AD

pernegavi conuiuium, meæ salutis consulens. At frequenter obsequutus sum magno ualitudinis meæ dispendio. Neq; raro ineptij dum amicorum affectui morem gero, cuius obsequij me frequenter poenituit. Prodeat autem aliquis amicus, cui negarim fidele consilium, cui negarim officium, si quando res serio postulabat, sed obtestata fide, quidam quæsti sunt de mea perfidia. Perfidiam mihi nec inimicus unquam obiecit. Nec dubitè omnes amicos prouocare, ut proferrant ubi non præstiterim, quod recepi, ubi mendacio doloue fefellerim, cuius arcanum effutierim. Possum illud mihi meo iure sumere, per paucos esse, qui sint amicitie tenaciores, quàm ego. Atq; utinam fuissem tam in suscipiendis amicitijs, uel felix uel circumspectus, quàm sum constans in retinendis. Nunquam simultatem exercui cum eo, quem uere & ex animo semel amarim, contentus remisisse familiaritatem. Atrox flagitium sit oportet, quod apud me dirimat amicitiam. Exempli causa referam unum atque alterum casum. Ante annos aliquot scripseram epistolam ad Card. Moguntinum, contra clamores Theologorum Louaniensium in Lutherum. Eam misi tunica obuolutam cum inscriptione ad quemdam, qui nulli notior est quàm Hutteno, mandans illi, ut si uideretur redderet, sin minus, uel flammis, uel undis aboleret. Existimabam enim illum, qui uideret in familia Card. & ille ut tum putabam, illi esset

EXPOSTULAT. HVT TENI.

esset à consilijs, melius nosse sensum principis. Quid factum est? Aedita est epistola uulgatâque typis, nec reddita illi ad quem erat scripta. Ex hac re quum & Cardinali grauis inuidia conflaretur apud Romanenses, & mihi apud nostros (Iam enim triumphicè adornabant gloriantes me teneri medium) Moguntinus commotus exigit epistolam ad se scriptam, quæ iam totos tres menses per omnium manus uolitabat. Tandem acriter flagitanti, reddita est ea quam miseram, semilacera ac typographorum atramento cõtaminata. Ea res, ut debuit, egre habuit principem, mihiq; indignabatur, suspicans id mea culpa factũ. Nihil hic affingo. Ipse Cardinalis post suis literis mecum exostulauit hac de re. Quas tragedias exciasset Huttenus, si quid eius generis commississent in ipsum? Primum prodita est fides in mandatis amici. Nocuit causæ uulgata epistola, quæ secreto lecta prodesse poterat. Et amicum & patronum benemeritum grauauit inuidia. Postremo mihi principem tantum ex amico reddidit inimicum. Et tamen hac de re uix tribus uerbis exostulauit coràm. Atque is risu uerecundo confitens factum, respondit secretariorum incuria commissum esse. Nec post illum addidi uerbũ, homo inciuius, hoc ipsum etiam dissimulans, quod de ipso suspirarer. Accidit ab eodem post, quiddã multo inciuius, ac mihi periculosius, de quo

PURGATIO ERASMI AD

quo tamen nunquam exposulauī, nec minus amicū
 esse cœpi, sed cautior esse decreui. Quam uero non
 amice fecit, qui decerpta ex libris meis odiosa loca,
 uertit in linguam Germanicam & euulgauit? At
 ego illa uulgo non scripseram, neque uolebam nuda
 legi. Cum hoc quoque paucis uerbis per epistolam
 exposulauī in hanc sententiam: Audio hoc abs te fa-
 ctum, fortassis ista facis amico animo, sed ego gau-
 deo meis inimicis non esse tantum ingenij ad ledendū
 dum. Hac exposulatione contentus, passus sum ma-
 nere pristinam amicitiam. Quot huius generis fabu-
 las commemorare possem? Nec ulli tamen adhuc re-
 nunciaui amicitiam, ego ille inciuilis & inhumanus.
 Quod si quisquam huiusmodi factum ullum mihi ue-
 re possit impingere, fatebor omnia esse uera quæ ca-
 lumniatur Huttenus. Proferat igitur illos amicos,
 qui obtestata fide mihi perfidiam obijciunt, & fa-
 cile illi os obturabo. Quod si permitterem quiduis
 de Hutteno suspicari, quemadmodum sibi permit-
 tit quiduis uicij de me confirmare, suspicarer illi-
 us esse commentum, quoties ait: Quidam dicunt, au-
 diui in Gallia. Quin addit, somniaui? Tribuit mi-
 hi gloriæ famæq; sitim inexplebilem. Id si uerum
 esset, iam olim me addixissem Romanæ Curie.
 Offerebatur ingens gloriæ seges. Admiscuissem
 me aulæ Cæsareæ, quo non semel uocatus sum. Acce-
 pissim

EXPOSTVLAT. HUTTENI.

piffem fortunas ac dignitates, quæ offerebantur.
 Delegiffem argumenta magnifica ac plaufibilia.
 Nunc recusatis pertinaciter his quæ gloriosos faci-
 unt, inglorium ocium mordicus teneo, & in his uer-
 for argumentis, quæ minimum habent ostentationis.
 Nam Huttenus opinor meum animum ex suo meti-
 ens, non credet deicranti, me perlibenter hoc quic-
 quid habeo famæ depositurum, si liceret. Quod si scif-
 fem olim quantum onus fit fama, sequutus fuiffem
 illud Epicuri $\lambda\acute{\alpha}\theta\epsilon\ \beta\iota\acute{\omega}\sigma\alpha\varsigma$. Sed iacto principum ad
 me literas, & aliorum de meis lucubrationibus præ-
 dicationes. Ex eo pronunciat me esse uaniffimū, hoc
 est, inaniffimum, nam id suspicor illum sentire. Imō
 uix profero decimam partem epistolarum, quas ad
 me scribūt principes, ac docti, sed interdum eas com-
 memoro, quo me tucar aduersus impudentiam obtre-
 ctatorum, nec enim alijs præfidijs aduersus illos pu-
 gnare possum, nec alijs munimentis hæcenus aduer-
 sus illorum improbitatem substiti, nisi ut dixi, inno-
 centia, & bonorum ac principum fauore. Nunquam
 enim iactaui, quod illustriffimus princeps Ferdinan-
 dus, humaniffimis literis me iam iterum honorauit,
 quod honorario ampliffimo donauit, nec ambientem,
 nec expectantem. Quod rex Gallie toties ad honestif-
 simas conditiones inuitat, literis etiam propria manu
 descriptis, id quod negant eum ter à corona suscepta
 feciffe, quod idem nuperrime fecit rex Angliæ. itaq;

PURGATIO ERASMI AD

intra paucos menses à quatuor orbis monarchiis ac
 cepi literas, Cesare, rege Gallorum, rege Angliæ, &
 Ferdinando. Hæc si haberet Huttenus, quas glorias
 nobis efflaret? Scribit & ipse Cesaribus, Cardinali-
 bus, ac nuncijs apostolicis, sed quis unquam illi re-
 scripsit? Eadem opera scribere posset superis & infe-
 ris. Quanquam principum erga me fauorem ac mu-
 nificentiam prædicare, non iactantiæ est, sed gratitu-
 dinis. Porro quod ad eruditorum prædicationes atti-
 net, habeo scrinia plena laudatricibus illorum episto-
 lis, & quotidie mittuntur undiq;, quas aliquoties nec
 lego. Adeo nullo literarum genere minus delector.
 Vbi uero agnosco ac deuoro laudes mihi attributas?
 An non perpetuo reclamo magnificis illis laudibus,
 quas quidam in me profundunt, & capite, manibus,
 pedibus, totoq; corpore renuo? Adeo uero me facit in-
 uidum, ut nec maiores gloria florentes, nec minorum
 succrescentem gloriam ferre possim. Ego uero suffra-
 gij omnium, qui diutina consuetudine mores meos
 cognitos ac perspectos habent, quorum Huttenus ex
 paucis colloquijs se censorem fecit, euincam, me non
 minus abesse ab inuidia, quàm à mendacio. Quæso
 quis unq; in suis libris, plures laudauit, tum maiores,
 tum minores uel plenius uel cãdidius? Quorũ aliquam-
 multi sunt, quorũ mūdus nomina nō nosset, nisi meis
 scriptis prodita. Sed Huttenus obijcit, quod illic lau-
 dem multos indignos. Ita ne, qui in hanc partem pec-
 cat, inui-

EXPOSTULAT. HUTTENI.

Eat, inuidus esti. Quis eque sudauit in restituendis uetustis autoribus? An hoc est inuidere maioribus? Quis plus tribuit Laurentio, Hermolao, Politiano, quos etas proxima proceres in literis habuit? Rodolpho agricolæ & Alexandro Hegio, quibus ego sanè mihi nimū debebam, nōne plenam laudem tribuo, in opere, quod omnes existimant uicturū? Reuchlino quantum ubiq; detuli? Zasium nōne semper ueneratus sum, ut de Thoma Linacro tacēam, & Grocino. Quē autem equalium non libenter amplexus sum? An maligne prædico Budæi uirtutes? Iacobum fabrum, utcunq; incidit ea procella, quis candidius laudauit quàm ego? Iam quanta amicorum in libris meis nomenclatura? An Hutteno succrescenti inuidi? Reclamant tot illæ meæ laudationes, quarū ipse nobis hoc libello palinodiam ingessit. Quis illum prædicauit, aut crebrius, aut candidius, aut amantius? Quid autē ab illo sperabam præmij? Nimirum hoc solent facere inuidi. Multos laudo in spem indolis, multos extimulandi causa. Cui memet unquam anteposui, qui cum unquam tribus uerbis de principatu doctrinæ contendi? cui non libenter cessi laudem; quam mihi Huttenus præter omnes tribuit? Quem unquam attigi nisi atrociter impetitus? Et hos hactenus sic tractaui, ut per me facti sint illustriores. Mei labores nonnihil attulere momenti ad prouehendū apud nostrates Græcæ literas, nōne palam & fateor & gaudeo sexcen

PURGATIO ERASMI AD

os exortos esse qui me longe superet? O nouã inuiden-
 tiam. Quod si quis alius mihi uoluisset inuidie cri-
 men impingere, certe non conueniebat id ab Hutteno
 fieri ὄντως ἀφθότως, à me penè solo prædicato. So-
 lus enim plus laudum contuli in Huttenum, quàm om-
 nes illius amici, & ille amicus in amicum plus crimi-
 num cõgessit, quàm hactenus omnes mei inimici, aut
 quàm ille unquam in quenquam hostem suum, & ta-
 men in literis ad me suis appellat hanc expostulatio-
 nem pro rci atrocitate mitissimam. Homine suauem,
 Cui non porrexi manum enitenti ad aliquam egregi-
 am laudem? Quo minus multos iuuerim, fortuna fuit
 in culpa, non animus. Certe quoscunq; laudando,
 commendando, ac similibus officijs prouehere potui,
 prouexi. Fauti nonnullis mihi iniquioribus, tantum ob
 hoc quod studijs prodesse. Hic si proferam episto-
 las eorum, qui mihi pro meo candore gratias agunt,
 Huttenus clamabit me mortalium omnium uanissi-
 mum. Verum illi reclamabunt, Huttenum calumniatorum
 omnium impudentissimum. Quum agerem in
 Brabantia, ex mea tenuitate plus largitus sum studio-
 sis uno anno, quàm quidã qui se iactant, capiunt ex
 agris paternis. Sic inuideo minoribus. Neminem pro-
 do, nec exprobrio cuiquam officiolum meum, uideor
 enim mihi beneficium dando accepisse, si digno dedi,
 sed ipsi testes erunt quàm hæc impudenter obijciun-
 tur ab Hutteno. Nemo, inquit, se tibi in eloquentia
 comparat,

EXPOSTVLAT. HUTTENI.

comparat. Ego uero æquissimo feram animo, si uel sexcenti se mihi præponant, ut sunt certe complures, qui id suo iure possint. Simili fronte facit me uersipellem quempiam, omnia simulandi ac dissimulandi mirum artificem. Quàm uero hic totum Erasmum ignorat Huttenus, cui nihil est difficilius, quàm simulare, ac dissimulare: quin potius ingenium est usq; ad stulticiæ uitium simplex & apertum, lingua periculose libera, & adeo non soleo fallere quenquam simulata blanditiæ, ut si quid offendat, oratio seuerior sit, quàm animus. Non falles, inquit, post hac me uultu tuo. Quæso qua nam in re Huttenus falsus est meo uultu? Ille mihi suo uultu imposuit. Nam apud me præferebat miram modestiam, cõtinebat. linguæ petulantiam. Aut igitur noua quædam accidit illi metamorphosis, aut illa erant egregie fucata. Dispeream si credidissem in uniuersa Germania tantum esse uanitatis, impudentiæ, inciuitatis, uirulentæ, quantum hic unus habet libellus. Nec tamen ea de causa sum futurus ulli Germano iniquior, aut minoris facturus synceros amicos, ob unū inimicum amicū. Nec pudet illū me, in cuius scriptis tanta libertas est, identidem appellare Gnathonē. Proinde periculū est, ne qui legerit in libris meis tot laudes Hutteno³ tributas, cauilletur Gnathonem assentari Thrasoni. Cogor & hic iudiciū in Hutteno requirere. Quum enim uideri uelit germa

PURGATIO ERASMI AD

græcæ gloriæ uindex, quūq; libri mei pleni sint Germanorum laudibus, nō nne dum me facit assentatorem, uanum, uafrum, leuem, pondus detrahit omnibus illis laudibus? Et tamen hic adeo nihil per assentationem est dictum, ut etiam eas laudes quas Hutteno tribui, tribuerim ex animo. Placebat indoles: placebat uena dictionis. Eximium quiddam mihi pollicebatur ex accessione studij, usus, & ætatis. An ideo sum assentator, si ille fefellit, non me modo, uerum etiam omnes quibus illum prædicauis? Sed blandior sum dum scribo principibus. Verum interim τῶ ἀρχισιναίτου ποσ, ubi res postulat. Nimirum sic expedit tractari leones, & diuinæ literæ docent principibus deberi reuerentiam. Vbi uero sic blandior ut prodam ueritatem? Vtri uero magis profuerunt, ego blandior, an quidam ad rabiem usq; maledici? Iam Regine & reges, qui nihil ante hac legebant præter fabulosas historias, habent Euangelium in manibus, euoluunt sacras literas, gaudent aliquid discere de mysterijs philosophiæ Christianæ. Narret nobis Huttenus quorsum profuerit ipsius maledicentia. Sancte blanditur, qui in hoc blanditur ut prosit alteri, non sibi. Si quid ambirem à principibus, posset esse suspecta mea blanditicia. Nunc nihil ambio, aut si quid ambio, non ambio mihi, sed publicis studijs. Quanquam non semper assentatur, quisquis laudat principes. Nam bonis debetur laus,

EXPOSTVLAT. HVTTENI.

tur laus. Laudare mediocres aut bonæ spei, est adhortari ad profectum uirtutis. Laudare malos, est eos citra offensam admonuisse sui officij, quemadmodum satis olim explicuimus in epistola ad Ioannem Paludanū. Talis Gnatho semper fuit Erasmus. Possent & ego pontifices uocare antichristos, episcopos idola, principes tyrannos, quemadmodum alij faciunt, sed non arbitror esse boni uiri, bonos pro debito honore conuictijs incessere. Et dementia sit, malos exacerbare maledictis, quos iritados nequeas compescere. Lucubrations meas uetere doctorum exemplo dicaui partim amicis priuatis, partim principibus: ab amicis ne gratias quidem agi mihi passus sum unquam, tantum abest, ut quicquam extorserim. A principibus nihil unquam emendicaui, neque quisquam credat quàm pauci dederint aliquid hoc nomine. Reuenserem de singulis, nisi uererer ne quem offendam, & fortassis id fiet aliàs. Et tamen si quis honesta industria uenaretur principū liberalitatem, posteaquē humana uita multis eget, aliquanto faceret excusatius, quàm qui ab amicis sumunt mutuū quod nunquā reddant, qui mercātur pro quo nunquā numerent, qui minis extorquent ab his qui nihil commiserunt. Iam uero qua fronte inciuilitatis & inhumanitatis crimē impingit, quū ipse in hoc libello declarat sibi, ne micā quidē esse mentis humane? Senectuti deserunt & Scythæ:

PURGATIO ERASMI AD

officiorum meminere etiam ferae. Amicitiae ratio
 nem habent latrones ac pyratae. Huttenus agnoscit
 amicitiam eximiam. Agnoscit insignia merita in re
 publicam, atque etiam in ipsum quaedam. Et tamen nul
 la laceffitus iniuria, perruptis omnibus gratiarum uin
 culis, iuuenis senem, tot conuitijs, tot rixis, tot iurgijs
 conspuat, colaphis et alapis caedit, contundit os, rat
 ptat ac uersat, perinde quasi mancipium de lapide em
 ptum tractet, non Erasmus. Et sibi persuadet aliquem
 fore, tam immanem ac ferum in toto orbe, ubicunq;
 sedes est hominum, qui tantam immanitatem non exe
 cretur. Et hos opinor existimat esse mores Lacedaema
 niorum ac Massiliensium, quos ab Hutteno discat iu
 uentus Germanica. Ego tum sic eram affectus in Hut
 tenum, ut mihi persuaderem, si quis exortus fuisset, qui
 impeteret Erasmus, illum suo corpore, si quis alius,
 depulsurum iniuriam. Interim amice de illo cum ami
 cis loquebar, deferebam officium, deplorabam fortu
 nam aduersam, sollicitus etiam ut illi res essent tutae
 in posterum. Atque hic humanitatis antistes, uelut ex
 insidijs tali libello adoritur amicum, quem semper re
 uerentissime coluit, cuius canicie deferre debuit, cui
 us in publica studia, atque etiam in se merita agnoscit.
 Indixit bellum Romanensibus, sed reuera bellum gerit
 cum musis et gratijs. In hostes gladium habet incruen
 tum, in amicos stilum habet cruentum. Iam nescio
 quo

EXPOSTVLAT. HVT TENI.

quo nomine donari debeat, quod criminatur me instigatorem omnium tumultuum, mox exardescente incendio dissimulare factum, & aduersæ parti blandiri. Opinor futurum, ut Huttenus omnium suorum facinorū, quæ Mauortijs auspitijs terra mariq; gerit, me faciat instigatorem. Atqui in epistola quam nuper ad me scripsit, sic loquitur: Nemo instigat Huttenum, nec ille sustinet à quoquam instigari. Quo igitur ore nunc me facit omnium instigatorem, hominem nullius apud ipsum ponderis, quum Hutteni *Δουδὲ ἀγλώωγ*, à nemine mortalium sustineat instigari? Misfas faciamus conuiuiorum fabulas uino inscriptas, omittamus familiaria colloquia, quibus inter se garrunt amici. Ego, ut dixi, quoties res seriū consiliū postulabat, semper ad moderatiora uocaui. Reuchlinum admonui ne lederet ordines, & deplorauī quod in apologia sic efferbuisset. Opinor extare epistolas in illius schedis, quæ testes erunt me uera loqui. Nec aliud sensi de Luthero. De comite à noua aquila iam ante recensui. De Hutteno nihil effutiam ex arcanis amicitie. Tantum hoc referam, quod ille libris editis, uoluit omnibus esse testatissimum. Quum esset apud me Louanij, expetijt secretum colloquiū, nec unquam mihi cum illo fuit ullum, præter hoc unum. Cœpit commemorare de bello indicendo Romanensibus, ac primum arbitrabar hominem iocari. Rogo qua si

PURGATIO ERASMI AD

ducia, quum pontifex & per se potentissimus esset,
 & tot haberet principes sibi faucetes. Quum ad hæc
 ille quædam respondisset, subieci negocium esse cali-
 dum ac periculosum, & si pium esset, tamen stultū es-
 se tentare, cuius perficiundi spes nō esset. Vtcunq; est
 inquam, non cupio de isto negotio plura audire, me-
 um est meis uigilijs prodesse publicis studijs, & con-
 siliam dedi, ut quicquid auderent alij, ipse ne se tali ne-
 gocio admisceret. Talis instigator fui Hutteno. Sed
 multo ante, quum ille emitteret libellos immodice li-
 beros, admonui illum literis, temperaret calami liber-
 tatem, ut principis sui fauore posset uti perpetuo. Et
 ille per literas respondit se pariturum consilio meo.
 Quod si fecisset, non iam latitaret ac fugitaret, sed
 magnus inter maximos uersaretur, ac talis esset, ut
 citra inuidiam posset amari. Quin ante hoc etiam
 tempus, quum Moguntie primo colloquio mecum
 fabularetur, ostendit Rcuchlini triumphum, carmen
 sanè elegans. Suasi ut premeret, idq; duabus de cau-
 sis, ne quis merito cauillari posset eum iuxta Græ-
 corum prouerbum, uictoriam adornare ante trium-
 phum, neue hostes Capnionis redderet in illum irita-
 tiores, quum causa adhuc in summo discrimine uer-
 saretur. Quod si non impetrarem, meum certe no-
 men deleret. Post menses complures iterum me con-
 uenit Francfordie, primo statim congressu rogabam,
 ecquid

EXPOSTVLAT. HVTTENI.

ecquid meminisset consilij mei. Respondit sese probe meminisse, neq; quicquam sibi aequè decretum esse, ac meo cōsilio parere in omnibus. Deinde prodijt carmen unà cum triumphali pictura, sanè quàm magnifica, sed quæ nihil aliud, quàm Capnionē grauaret inuidia, & aduersarios prouocaret, satis sua sponte ferentes. Nec dubito quin ea res improbata sit ipsi Capnioni. Non iam disputo quid dignū fuerit aduersarijs; sed quid expedierit causæ Reuchlinicæ. Huiusmodi perpetuo fuere mea cōsilia, quoties res serium consiliū postularet. Nullū unq̄ foedus mihi fuit cum Hutteno, nisi Musarū legibus ictum aduersus hostes linguarum, ac bonarū literarū. Aduersariæ Lutheri, quoniā intolerabilem futuram si uicisset uidebam, fateor non admodum faui, nec adhuc uellem penes istos totam esse uictoriam. Lutheranam fabulam initio non prorsus improbabam, actionem semper improbaui. Sed fingat Huttenus id quod non est: In initio, quum orbis applauderet Lutheri, præsertim cruditi Germaniæ, me quoq; fauisse Lutheri, & apud Huttenū uelut sincerum amicum effutisse secretos affectus, quid esset inhumanius, quam nulla de causa suscepta inimitia hæc euulgare, criminari, & iactare apud orbem? Et si Musis placet, expostulationem uocat tam atrocē criminationē. At qui expostulat, priuatim requirit officium in amico, cupiens sibi satis fieri. Hic me non
 monitum

PURGATIO ERASMI AD

monitum apud orbem reum peragit . Ac tantum habet frontis, ut existimet hæc scribi posse incolumi amicitia pristina. Habeat sibi suas amicitias, & inimicitias. Ego cum tali ingenio, quale arguit hæc epistola, nihil habere uolo commercij. Responderam ad capita rerum quibus se iactabat exacerbatur. Nam ea suis literis ad me descripsit. Sed interim hæc expositulatio, hic per multorum manus uagata, perlata erat Turcicū. Docueram de colloquio detrectato rem secus habere, quàm ille suspicaretur. De epistola Hochstrati purgavi, de Capnionis insimulatione doceo me ne somniasse quidem unquam. De negotio Lutheri, docui me nihil mutasse, nec in illius factione fuisse unquam, & in Euangelico negotio prouehendo totum esse. Mihi nihil adhuc esse scriptum aduersus illum, & si quid scripturus essem, me citra conuiciū, argumentis, ac scripture sacre testimonijs acturum, tanta moderatione, tantaq; equitate, ut nec ipse Lutherus offendi posset. Ostendi quàm hoc consilium esset inutile, tum Euangelico negotio, tum liberalibus studijs, tum ipsius etiam rebus, ut nunc habent, Hutteni. Hæc aliaq; multa, tum ad illum scripsi. Dissuadebant amici docti ne talem libellum euulgaret, atq; ipse etiam Epphendorpius, ut affirmat etiam ac fatetur Huttenus. His omnibus contemptis, euulgauit libellum nullis incundiorem futurum, quàm his qui Luthero, & linguis

EXPOSTULAT. HUTTENI.

linguis & bonis literis pessime uolunt, & quos pessime odit Huttenus, si uera prædicat. Quàm enim insoleter gestient illi? Quid dicent inter sese: Habet Erasmus suum toties laudatum Huttenum, fruatur eo. Habet illam toties adamatam ingenij uenam, fruatur illa. Exosculetur illam dictionis uenerem toties prædicatam. Nec desunt adeo qui prædicent Huttenum ab Hochstrato, & Ecmondano aut horum sodalibus conductum, hæc in Erasmus scripsisse, ac mihi sanè fit uerisimile. Iocatur alicubi satis apposite, se subodorari prædam, quam pontifex obiecerit. Mihi magis subolet præda, quàm obiecerunt monachi ac Theologi. Nec enim hoc inceptum recens est, uetus est uomica, licet nunc demum per occasionem pus eruperit. Ante complures menses scripserunt amici, nescio quid libelli paratum in me. Expectabam concertatiunculam aliquam de dogmatibus Lutheri, nunc uideo hunc libellum fuisse, alibi natum, sed hic ex delationibus quorundam uelut assutis pannis auctum. Nam & stilus inæqualis est. Et ea pars elaboratior est, quàm scripsit per ocium. Vtrum autem est honestius, accipere præmium à Cesare ac pontifice, ut disputes aduersus Lutherum, an à monachis accipere mercedem, ut cõuicijs talibus incessas amicum? Dicat igitur nobis Huttenus bona fide, quam offam obiecerint Monachi ac Theologi, ut in me latraret, et ego fatebor quid acciperim.

PURGATIO ERASMI AD

rim à Cæsare ac Pontifice ut scriberem in Lutherum
 Fortassis inficiabitur esse uerum, quod est ueri simil
 limum, tamen illud constat, neminem unquam fecisse
 gratius hostibus Lutheri ac bonarū literarum, quam
 hic fecit Huttenus. Ego Lutherum de grauo inuidia,
 qui Louanienses appellem Reuerendos patres, ipse
 protector est Lutheri, qui hostibus illius hanc agit fabu
 lam longe gratissimam. Nihil enim illis accidit, unde
 magis sustulerint cristas, quodq; illis magis addiderit
 animos, quam hic Hutteni libellus: Iam mihi uidere ui
 deor, undiq; gestientes, subsiliētes, sibi gratulantes de
 uotos bonarum literarum, ac Theologiae syncerioris
 hostes, Louanij Ecmondanum & Vincentium, Lute
 tia duos præcipue Theologos, alterum Quernū, alte
 rum Betaceum, Coloniae Theodericum. Nouimagunē
 eum suo sordido sodalicio. Fortassis & in Anglia Le
 um cum Standicio. Omnes hi triumphum adornant
 Hutteno, certatim applaudentes & acclamantes: ma
 ste uirtute eques, Βάλλουτως. Confice nobis Eras
 mū illū, qui in uectis nouis linguis ac literis regnū
 nostrum labefactauit. Eia talibus libellis redde literas
 istas, quas quidam falso uocant bonas, inuisas princi
 pibus, inuisas iuuentuti, quum uiderint in his esse tan
 tum uirulentiae, nec in aliud ualere, nisi ad calumni
 am bonorum, & seditionem concitandam: prode my
 steria poëticorum orgiorum, inspuē, immunge, im
 minge,

EXPOSTVLAT. HVTTENI.

minge, incaca in fontem illum Musarum, ne cui post
 hac ex eo libeat bibere, & si uis illum semel omnibus
 modis conspurcare, te totum in eo proluc. Quicquid
 in nos haecenus peccasti, condonamus, si perges quod
 coepisti. Felicem Huttenū quum ab his nouis amicis
 uenient gratulatrices epistolæ, missitabuntur xenia,
 deferentur ingentia munera. Hæc an uera sint non
 dum mihi liquet. Certe multo sunt propiora ueris,
 quàm quæ ille fingit de me Romam eunte, deq; occur
 su Cardinalium. Nam ego tot modis prouocatus nihil
 adhuc scripsi in Lutherum, & Huttenus præter cau
 sam tam uirulentum libellum scribit in amicum, cuius
 prædicatione factum est, ut multi qui Huttenum non
 uiderunt, & norint eum & diligant. Alioqui quid il
 lum perpulit ad tam uirulentam scriptionem? De
 monstraui causas, quas allegat esse nullas, id quod per
 se perspicuum erat cordatis & integris, etiam ijs, qui
 Hutteno fauebant. Quid igitur sibi uoluit hoc libello?
 Scripsit animi gratia? Cõueniebat in alio argumento
 uideri uelle festiuū. Libuit exercere stilum? Poterat,
 etiam si non strinxisset in amicum benemeritum, &
 benemereri paratum. Volebat ut ait quidam, absolu
 tum quoddam eloquentiæ specimen, uelut $\kappa\upsilon\chi\upsilon\delta\omicron\pi$
 $\xi\sigma\mu\alpha$ relinquere posteris, quæ admodū Cicero reliquit
 Philippicas? Deligenda igitur erat materia, quæ per
 se foret ampla, & utilitate quoq; posteris commens
 daretur.

PURGATIO ERASMI AD

daretur, nam hoc argumento pessime consuluit famæ suæ, si tamen ille famæ rationem ullam habet. Studebat me deterrere, ne scriberem aduersus Lutherū? At qui non alia ratione citius poteram prouocari. Sed absit ut ego in tam arduo negotio, quicquam uel suscipiam, uel deponam Hutteni causa. Male se habent res Lutheri, si ad hos triarios, si ad hanc sacram anco, ram deuenerunt, ut talibus libellis oporteat defendi. Iugulare uoluit Erasmus? Quid autem barbarius, quam sic esse affectum in eum, qui nec suspicabatur aliquid, nec merebatur? Atq; hic inter Scythicas uoces insignis immanitatis testes etiam illa iactabatur: Hoc libello conijciam Erasmus in lectum. Et quoniam casu incidit morbus ex percussu solis, fortasse, nunc triumphat ac plaudit sibi. Verum ne putet me tam nullius esse animi, ut peius ualeam etiam si quindecim tales libelli scribantur in me. Hoc scriptum Hutteni mihi conciliabit multos amicos, quos ab ipso sit alienaturus, et quos conciliaturus, breui sentiet. Magnum uero, si paucis stolidis Lutheranis applausoribus gratificatus est. Nam ex hoc ipso genere, parum habet amicos, si qui sunt paulo cordatiores, habiturus propemodum pauciores. Et gloriatur hic se fuisse circumfusum agminibus Lutheranorum. Egregiam uero gratiam communicati hospicij, refert huic urbi, in qua qui uiuo iam ferme biennio neminem noui, qui

EXPOSTVLAT. HUTTENI.

ni, qui se patiat^r dici Lutheranum, & in qua publi-
co edicto cautum est, ne quisquã in concione do-
ceat quod aduersetur euãgelio, ne Lutheri quidem au-
toritate fretus. Iam uero nescio an nihil tribuendum
sit quorundã suspitioni, q̄ dicit int Huttenũ ex equi-
te factum sedentarium, huiusmodi libellos ad que-
stum scribere, eumq; geminum, dum & hi numerãt
qui conducunt operam, & in quos scribit, pecunia re-
dimũt, ne quod scriptum est adatur. Miseret me Hut-
teni quamlibet hostis, si huc illius fortunæ reciderũt.
Iam ut audio numerauit aliquid & typographus. Sed
desino de Hutteno, ne quid ultra spongiam. Hoc tantum
illum scire uolo, & mihi esse stilum, nisi maluis-
sem meam perpetuam tueri consuetudinem, quã illi-
us exemplum imitari. Nunquam adhuc mihi pugna
fuit cum quoq̄ quem aliquãdo dilexerim ex animo.
Ac ne in hos quidem unquam exercui calami rabiẽ,
à quibus odiosissime impetebar. Quod si placeret hæc
petulantia, malim mihi dari, qui nunquam fuisset ami-
cus, malim dari cui res essent sequundiores. Non est
plausibilis cum amico digladiatio. Et crudele est in
calamitosum esse dicacem. Superest, ut adhorter om-
nes bonarum literarum studiosos, ut si detestabile ui-
detur exemplum Hutteni, ab huiusmodi intemperijs
abstineant, ne bonas literas reddant inuidiosas. Appel-
lantur humanitatis, cauendum, ne nostro uicio nomi-

PURGATIO ERASMI AD

nis honesti possessione dei ciantur. Tum demū erunt,
 id quod dicuntur, hoc est, bonæ literæ, si nos reddant
 meliores, si seruiant gloriæ Christi. Neq; enim in hoc
 reuocate sunt in scholas, ut pristinas disciplinas eijā
 ant, sed ut illæ purius et cōmodius tradātur. Nunc idē
 ferè tumultus est in scholis, qui est in ecclesijs. Nā ple
 riq; qui linguis ac bonis literis impense fauent, exclu
 sis omnibus studijs, has solas inuehūt. Rursus qui pri
 stina studia mordicus retinent, summis uiribus hoc ar
 gunt ut politiores literas prorsus obruant & extin
 guāt. Quin potius in hoc incūbimus, ut suas quiq; do
 tes inuicem cōferētes mutuis officijs adiuuemur, q̄ ut
 stultis contentionibus alteri alteris incommodemus?
 Qui ualēt in bonis literis, dent operam, ut eas probis,
 castis & commodis moribus cōmendent, & accessio
 ne grauiorum disciplinarum cohonestent: quibus non
 contigerūt, addant & hoc decoris studijs suis. Mutua
 concordia faciet, ne quid cui desit. Dissidio fit, ut nec
 his bonis quæ adsunt, fruamur. Quin uniuersis & ma
 ximis & minimis huc conandum est, ut inter Christia
 nos pax & concordia seruetur. Nunc neq; mundi hu
 ius pacem habemus, quum undiq; furiosis bellis ser
 ueant omnia, neq; pacem dei, quum tanta sit opinio
 num dissensio, nec ulla usquam sincera amicitia, aut
 fraterna charitas, sed pessimo fermento uitiata om
 nia. Si cui placet hoc seculum, fruatur. Mihi uidetur
 infelicissim

EXPOSTVLAT. HVTTENI.

infelicissimum. Qui negotio fauent Euangelico, faueant simpliciter ac prudenter: ne fidant clancularijs conspirationibus, ne maledicis libellis, in Pontificem aut principes, quibus illis magis conciliant fauorem, & Euangelio conflant inuidiam, sed posita omni peruicacia, positis studijs humanis, qui docti sunt, inter sese conferant de tollendo orbis dissidio, quæq; uidebuntur ad publicam Christiani populi salutem, & Christi gloriam facere, secretis literis indicent Põtifi ac Cæsari, & in hoc negotio uersentur sincere tanquam coram deo. Hac ratione citius consuluerimus Euangelicæ sinceritati, quàm rixis nunquam finiendis. Dũ enim sine fine rixamur, an sit aliquod bonum opus hominis, fit, ut reuera nullũ habeamus opus bonum. Dum delitigamus, an sola fides absq; operibus conferat salutem, fit, ut nec fidei fructum, nec bonorum operum mercedem capiamus. Quædam autem eius generis sunt, ut si maxime uera essent, non expediat ingerere auribus populi, ueluti, liberũ arbitrium nihil esse, nisi nomẽ inane: Quemlibet Christianũ esse sacerdotem, & posse remittere peccata, & posse consecrare corpus domini, sola fide conferri iusticiam, opera nostra nihil ad rem facere. Hæc paradoxa iam etata apud uulgus, quid aliud q̃ gignũt dissidiũ ac seditionem? Rursum ecclesiæ proceres ac prinapes profanos obsecrarim, ut suos affectus, suæque priuata

PURGATIO ERASMI AD

cōmoda posthabeāt saluti publicæ, & gloriæ Christi.
 Sic est uoluntas Iesu Christi, & sic agentibus nobis
 adfuturus est, fautor ac fortunator eorū quæ gerimus.
 Cui spiritus Iesu donum impartijt abstrusioris erudi-
 tionis, impartiat candide, cum omni mansuetudine,
 sustinens ac tolerans eos, qui non statim assequi pos-
 sunt quod traditur, quæadmodū dominus Iesu diu tole-
 rauit infirmitatem suorum donec proficerent Princi-
 pes & episcopi sunt homines, labi & falli possunt.
 Hos quanto conducibilius est comiter ad ueri cogni-
 tionem adducere, quàm conuitijs exasperare? Qui in
 classe Lutherana sibi uindicant spiritualem cognitiō-
 nē, cogitent & se esse homines obnoxios iisdē malis,
 quibus obnoxij sunt pontifices & principes. Neq; co-
 rona, neq; mitra addit sapientiam Euangelicam, fate-
 or, sed neq; uulgare pileum aut cingulū addit. Qui se
 patāt habere donū spiritus, ne spernā publicāt auto-
 ritatem. Rursum principes quàmlibet potentes ac ma-
 gni, ne auersentur ueritatem Christi, à quàmlibet hu-
 mili propositam. Humiles erant & apostoli. Pharma-
 cum corpori profuturum accipimus ab obscurissimo
 idiota, aut à muliercula, & animi medicinam respui-
 mus ab humilioribus oblatam? Submoueātur utrinq;
 priuata cupiditates, & cōmunibus uotis imploretur
 spiritus ille pacificus, ne mutuis dissidijs Christiana
 res iā nunc in arctū contracta, penitus concidat, ne fe-
 rarum

EXPOSTULAT. HVT TENI.

rarum ac piscium ritu mutuis morfibz nos inuicem
 lacerantes iucundum spectaculum præbeamus, & sa-
 tanæ, & Christiani nominis hostibus. In omnibus arti-
 culis à priscis pditæ fidei cōsensus est. Cur ob parado-
 xa, nescio quæ, quorum aliquot eiusmodi sunt ut ad
 plenum nō possint intelligi, quædam eius generis, ut
 in utrāq; partē disputari queant, nōnulla talia, ut nō
 ita multū momēti adferant, ad mores emēdandos, sic
 tumultuetur orbis? Tota uita Christianorū undiq; dif-
 ferta est bellis insanissimis, tumultibus, latrocinijs, iur-
 gijs, odijs, obtrectationibus, fraudibus, dolis, luxu, libi-
 dinibus, nihil usquàm sanū est, & omissis omnibus dē
 gladiamur, an principatus Romani pontificis sit pro-
 fectus ab autore Christo. Vtraq; pars alteri sese attē-
 peret. Obsequium parabit amicitiam, paruicacia tu-
 multum gignet. Quis autem finis erit, si altera pars
 nihil habeat nisi tumultus, rixas & cōiucia, altera ni-
 hil nisi cēsuras, bullas, articulos & incēdia? Quid ma-
 gni est homunculum alioqui moriturum in ignē cōij-
 cere? Docere ac persuadere magnum est. Ne palino-
 diæ quidem ille magnopere mouent quenquàm. Quis
 enim nō sic interpretatur, maluit pudesceri, quā exu-
 ri? Quàm uero non plausibile, quum episcopus qui de-
 bebat docere philosophiam Euangelicam, in his quæ
 sunt huius mundi, plusquàm satrapes est: in his quæ
 sunt fidei, nihil habet nisi articulos, carceres, carnifi-


PVR. ER. AD EXPOSTVL. HVTT.


ces & incendium? Non pudeat episcopos seruire charitati Christianæ, quod facere non puduit apostolos, non pigeat eruditos episcopis suum honorẽ reddere. Hoc interim consilium dederim utriq; parti, ut neutri addictus, ita utriq; bene cupiens. Ego me compono ad eum diem qui me sistet ante Christi tribunal. Et idcirco ab istis contentiosis, in quibus uix fieri potest ut uersetur aliquis, nisi dũ feritur & referit, perdat aliquid ex illa tranquillitate Christiani spiritus, transfero me ad ea quæ motus animi componunt, quæq; conscientiam tranquilliant. Ex paraphrasibus magnum hic fructum capere me sentio. Quo magis mihi dolet, quod in hac rixa, dum lego quæ calumniatur Huttenus, dumq; diluo, quod ille aspergit totos sex dies perdidi. Bene uale. Quisquis es candidè Lector.

PVRGATIONIS AD EX/

postulationem Hutteni, per D. Erasmus

Roterod. FINIS.





Dissidet me sta
A helimski & schachac
Anno Domini 1552

^{U. W. S.}
Jobias wtodawczk d 21

Ego sum posesor Jobias wtoda
wczk bonus cancionas istius meus

^{tuus}
Inromini sicabilitatibus equi est
nomen nostre ac datus

B 701

Emapata in



2515

1920

Bot.